



彈
詞
註

七卷 隋唐二代

八卷上 五代史終後唐廢帝



廿一史彈詞註卷之七

成都楊 慎用修編著

漢陽張三異禹木增定



男仲璜別麓註 會孫任佐較刊

第七段 說隋唐二代 臨江仙

一片殘山并剩水年年虎鬪龍爭秦宮漢苑晉家營川
源流恨血毛髮凜威靈 白髮詩人閒駐馬感時懷古
傷情戰場田地好寬平前人將不去留與後人耕

詩曰

九里山前作戰場牧童拾得舊刀鎗烏江流水潺潺
響彷彿虞姬哭霸王

彈詞註卷七

霸王烏江血未乾長陵樹老朔風寒千年暗草埋金
谷幾輩征夫老玉關去鳥銷沉雲漠漠野花零落水
潺潺豪華一去無踪跡留得虛名紙上看

廣坐休將詩漫講當場再把話評論要知古往今來
事須問玲瓏剔透心萬卷詩書曾著意十年窗下苦
勞心編成忠孝賢良傳寫就歎感歎文濟濟堂堂
誇好漢轟轟烈烈顯功名凌雲壯氣沖牛斗對月高
歌泣鬼神山雨洗青千古恨海風吹醒萬年魂脣鏗
嚇破奸邪膽舌劍恢宏壯烈人玉軫頻調諧妙韻冰
絃細撥奉知音知音肯共梅窗月一曲梅花字字真
昨來說至五胡擾亂總是翻雲覆雨今日把隋唐典故

看怎生作浪興風

隋者文帝楊堅其父楊忠周靜帝之臣官封隋國公死後堅嗣爵其女乃靜帝之母楊堅乃靜帝外公篡了外孫寶位是為隋

文帝改元開皇至九年己酉南取陳後主并天下為

一統開皇 仁壽傳
在位二十四年

煬帝大業在位十三年

恭帝義寧在位一年

凡三主三十八年唐公李淵奪之而隋亡

唐者唐公李淵初為晉陽留守後受隋恭帝禪稱唐

高祖武德在傳之 太宗貞觀在位
位九年 二十三年

彈詞註卷七

高宗永徽 顯慶 龍朔 麟德傳
位二十四年 上元 義鳳 中宗嗣聖 調露 乾封 總章
年名還東宮又七年

武后光宅 垂拱 聖曆 久視改唐為周延載 如意 長壽 萬
歲通天 長安又十四年

唐神龍 景隆傳 睿宗景雲 太極在位二年

元宗開元 天寶安史擾亂

肅宗靈武 至德 乾元 上元傳
在位十四年 復元 在位七年

代宗廣德 永泰 大德 建中 興元 貞元傳
在位十七年 元和 在位二十六年

順宗永貞在位一年

憲宗元和在位十五年

穆宗長慶在位四年

敬宗寶曆在位二年

文宗太和 開成 會昌在位十三年 在位六年

宣宗 大中年 在位十三年 懿宗 咸通 在位十四年

僖宗 乾符 廣明 在位十五年 光

昭宗 龍紀 文德 在位十五年 景福 乾寧 光 天復 天祐 在位十六年

哀宗 天祐 在位三年

共二十一主享國二百八十九年而朱溫滅之是為

梁朝

隋煬帝之末天下有六十四處烟塵十八處改年建號

今略題大槩說箇始末因繇

隋文帝強奪了外孫寶位

隋高祖文帝姓楊名堅宏農華陰人父忠仕魏及周封隋公堅襲爵進為王堅女為周宣帝贊后及宣帝子靜帝立是為堅外孫堅以太后父秉政遂弒靜帝奪周祚稱市

彈詞註卷七

三

八年來興士馬大舉平陳

開皇八年文帝大舉伐陳以子晉王廣清河公楊素為行軍元帥以高穎韓擒虎賀若弼等分道並進若弼自廣陵濟江擒虎自橫江宵濟陳緣江諸戍望風盡走 清河縣名屬廣平府廣陵縣名今廢入江都縣故址在揚州府北一十八里橫江浦在和州界對江南之采石往來濟渡處楊素字處道高穎字昭立

陳後王被擒來稱臣類首

若弼敗陳師於蔣山獲其將蕭摩訶擒虎入建業陳後主叔寶投於井軍人以繩引出執送長安獻俘太廟封叔寶為長城公 蔣山即江寧鍾山

捲江東包宇宙一統乾坤

滅梁平陳席捲江東混一南北至此天下一統

躬節儉省差徭叛降不納

帝躬履節儉乘輿服御破敝者隨令補用自非宴享所食不過一肉後宮皆服澣濯之衣又制人年五十免役收庸輕徭薄賦先陳郢州城主張子璣叛陳以子當諫納吐谷渾謀非法崑王曉降朕朕唯教昌王爲臣子之法亦弗納郢州劉宋所置今爲武昌府即湖廣省訶吐谷渾太子名封崑王

制義倉勤聽政果斷剛明

度支尚書長孫平奏令民間每秋家出粟麥一石貧富爲差以備凶年名曰義倉帝從之帝勤於政事每旦聽朝日昃忘倦性尤嚴重令行禁止革弊釐政果斷剛明

只可惜暗託付獨孤謀誤

退勳臣易太子轉眼無恩

帝與后獨孤氏甚相愛后性妬忌帝寵憚之后見朝士及諸王有妾孕者必勸帝斥之初尉遲迥女孫有美色帝幸之后陰殺之帝怒單騎入山谷高顯諫曰陛下豈以一婦人而輕天下后聞頗謂已爲一婦人

彈詞詳卷七

四

銜之會頗妾生男后諷帝黜退之太子勇多內寵妃元氏薨后意太子愛妾雲氏害之心彌不平遣人伺求勇過晉王廣知之彌自矯飾後庭有子皆不育后由是數賢廣廣自揚州入朝將還鎮入宮辭后伏地流涕曰臣不知何罪失愛東宮恒蓄盛怒欲加鴆害后忿然曰我在尚爾我死後當魚肉汝矣遂數潛勇帝由是廢太子勇立廣爲太子後帝寢疾召廣入居殿中廣預擬帝不諱後事爲書問僕射楊素素條列事狀以報宮人諛送帝所帝覽之大恚帝所寵陳夫人侍疾旦出更衣爲廣所逼拒之得免帝怪其神色有異問故夫人泣然曰太子無禮帝抵牾曰畜生何足付大事獨孤謀我顧氏曰楊堅牽制婦人至其晚年暗於付託文

生長下惡冤家凶神逆子

到頭來遭獵食死不明

帝知廣不足付大事乃呼尚書柳述侍郎元巖曰召我兒述等將呼廣帝曰勇也逆巖出閣爲敕書楊素聞之白廣矯詔執述等繫獄令右庶子張衡入書侍疾盡遣後宮出就別室俄而帝崩中外頗有異論之

隋煬帝不成才兇強惡劣

煬帝文帝第二子後追謚曰煬捷錄曰嗣政以來殺戮濫加虐焰大張九州為墟致天下沸湧灼爛號呼騰踏莫有救止謚法好內遠禮曰煬

殺親兄烝庶母犬豕存心

帝矯稱高祖之詔賜兄故太子勇死文帝妃陳氏為宣華夫人文帝崩廣遣使者封小金盒賜夫人夫人以為鴆毒懼甚發之乃同心結也夫人恚而却坐不肯致謝諸宮人共逼之乃拜使者其夜廣遂烝焉又文帝妃蔡氏容華夫人自請言事亦為廣所烝

大寶殿弑親爺稱尊即位

初廣侍疾於大寶殿令張衡入侍文帝遂崩後大業八年殺張衡臨刑大言曰我為人作何等事而望久活監刑者塞耳促令殺之觀此則廣之殺父無疑矣

倚富強矜智勇恣意荒淫

彈詞註卷七

五

自開皇仁壽以來倉庫盈溢因富兵強煬帝承藉餘緒慨然慕秦皇漢武之事侈靡土木無所不為荒淫無度造有迷樓御女車等事

悅女色縱奢華泥沙錦繡

帝恣意女色宮掖不可勝計嘗詔淮南等處閱視民間女子姿質端麗者每歲貢之又築西苑其內為海內緣渠為十六院每院以四品夫人主之堂殿樓觀窮極華麗宮樹秋冬彫落則剪綵為花葉綴於枝條色渝則易以新常以陽春龍舟皆以錦綵為袍又或以繒帛纏樹淮南即今揚州

弄刀兵貪土地螻蟻人民

煬帝狹殷周之制度尚秦漢之規模驕怒之兵屢動土木之功不息頻出朔方三駕邈左旌旗萬里徵稅百端人不堪命自是海內騷然節康節隋詩曰螻蟻人民貪土地泥沙金帛悅姬姜朔方今陝西寧夏衛遠左即遼東郡康節名雍字堯夫謚康節范陽人流寓河南富弼司馬光治第留之扁其室曰安樂窩號安樂先生

廣倉廩築長城勞煩百姓

置洛口倉築倉城周二十餘里又置回洛倉於洛陽北七里築倉城周十里發丁男百餘萬築長城西距榆林東至紫河尋更自榆谷而東又復築之百姓死徙者遍道路洛口倉在河南府鞏縣西場帝聚粟於此榆林隋初置榆林縣後改為郡故城在大同府城西五百里紫河在大同府城西四百二十里長城在臨洮府城北秦始皇北築長城萬里起自臨洮即此處榆谷在臨洮府蘭縣西一百里有大小榆谷

開汴河實苑園蓋造宮庭

發河南諸郡男女百餘萬開通濟渠自西苑引穀洛水達於河自板渚引河入汴引汴入泗以通於淮又發河北男女開永濟渠引沁水南達於河北通涿郡命封德彝等營顯仁宮發大禾以南五嶺以北奇材具石輸之洛陽又求海內嘉禾具草珍禽奇獸以實苑園自長安至江都置離宮四十餘所通濟渠即汴河故道一統志云其源舊自開封府滎陽縣東經東城內又東合蔡河名荈若渠又名通濟渠東注泗州下入於淮累因河決其蔡河湮滅無迹而汴河自府西中牟縣入黃河矣穀洛淮泗皆水名汴河名河

彈詞注卷七

六

北黃河之北也永濟渠在東昌府館陶縣西二里漢名屯氏河隋疏為永濟渠亦曰御河源自衛輝府輝縣東北流至臨清與會通河合流入海沁水源出沁州源縣綿山穿太行達濟源經武陟入黃河顯仁宮在河南府洛陽縣阜瀾江都縣名屬揚州府離宮天子出遊之宮也

跨遼海討高麗勞民動衆

徵高麗王入朝不至裴矩說帝討之帝詔幽州總管元宏嗣往東萊海口造船三百艘官吏督役晝夜立水中一萬腰以下皆生蛆徵天下兵會於涿凡一百一攻取之具往還者常數十萬人死者相枕歷遼東踰大海自將討之如是者三高麗城守不下諸軍將多覆沒後徵兵每失期不至高麗亦因餓乞降乃止仍徵高麗王元入朝元竟不至天下騷動始相聚為羣萊今萊州府涿今涿州

造龍舟恣遊賞北狩南巡

遣侍郎王宏等往江南造龍船及楫船數萬艘每御龍舟挽士八萬餘人南幸江都舳舻相接旌旗蔽野

又數北狩朔方歷榆林雲中泝金河突厥啟民可汗
奉盧帳以俟車駕帝幸具帳啟民奉觴上壽帝賦詩
曰呼韓稽顙至屠者接踵來何如漢天子空上單于
臺金河一統志云在大同府古雲內州東南一百
五十五里西流入天瑞治呼韓邪屠者皆
單于之號其俗謂賢曰者突厥北夸國名

勤採獵取鷹師論千撥萬

勤於遊獵連谷隴西拔延山等處長圍周二千里又
徵天下鷹師悉集東京至者萬餘人 東京煬帝以
洛陽為東京尋
改東京為東都

聚音樂陳百戲誇耀番人

初突厥啟民可汗入朝帝大徵散樂以誇之後諸番
自朝畢集洛陽陳百戲於端門執絲竹者萬八千人
自昏達旦終月而罷所費鉅萬歲以為常 百戲有
魚龍爛設俳優侏儒山車巨象拔井種瓜殺馬剝驢
等奇怪異端百
有餘物故名

惡毒氣廣熏蒸普天之下

彈詞註卷七

七

友名兒張掛徧牽土之濱

李密檄煬帝十罪云普天之下率土之濱天地難容
人神嗟憤書罪無窮流惡難盡三河縱封豕之貪四
海被長蛇之毒
李密字法士

民心變起烟塵六十四處

是時天下大亂盜賊
蜂起凡六十四處

知世郎王簿者倡首山東

鄒平民王簿擁衆長白山剽掠齊濟之郊自稱知世
郎言事可知矣 鄒平縣名屬山東濟南府長白山
在濟南府長山縣西南三十里山跨鄒平縣一十
里又名會仙山齊今濟南府濟今兗州府濟寧州

張金稱高士達因而聚衆

鄒人張金稱聚衆於河曲裔人高士達聚衆於清河
鄒縣名今東昌府夏津縣河曲縣名屬太原府舊
縣名故城在河間府景州城內
清河隋縣名今東昌府武城縣

孫安祖劉霸道發怒生真

孫安祖漳南人竇建德集無賴少年數百人使安祖將之入高雞泊中為盜平原東有豆子航羣盜多匿其中劉霸道者家於其旁喜俠食客常數百人遠近多依之有眾十餘萬號阿勇賊漳南漳水之南也漳水在順德府平鄉縣西南高雞泊在大名府界平原縣名屬濟南府豆子航地名在平原縣東阿勇賊之號航音剛上聲

竇建德苗海潮東西響應

渤海竇建德起兵漳南自稱長樂王下邳苗海潮聚眾為盜後附杜伏威渤海今河間府滄州長樂今真定府冀州下邳今淮安府邳州

郝孝德孫宣雅遠近傳聲

平原郝孝德渤海孫宣雅各聚眾十萬與王簿等結連

吳朱燮晉管崇江東舉事

彈詞註卷七

吳人朱燮為崑山縣博士與數十學生起兵民苦役者赴之如歸晉陵人管崇羣盜奉之時帝在涿郡命虎牙郎將趙六兒屯揚子以備南賊崇遣將陸顛襲破之眾至十萬吳今蘇州府崑山縣屬蘇州府晉陵郡名今常州府揚州江名在儀真縣西經通泰二州入於海

杜伏威輔公祐淮楚稱兵

章邱杜伏威與臨濟輔公祐為刎頸交俱亡命為羣盜專掠淮南諸郡據歷陽伏威僭號吳王章邱縣名屬濟南府臨濟今青州府臨淄縣歷陽今江南和州

王須拔魏刁兒剪滅燕趙

上谷人王須拔起兵平恒自稱漫天王國號燕賊帥魏刁兒自稱歷山飛北連突厥南寇燕趙上谷今保定府順天府趙今真定府趙州

甄翟兒扶助起殘害人民

甄翟兒初為魏刁兒部將所至殘害後復號歷山飛轉寇大原

郭方預孟海公各誇英勇

北海人郭方預自號盧公攻陷郡邑濟陰人孟海公據周橋見人稱引書史輒殺之北海隋郡名今青州府濟陰今兗州府曹州

燕格謙齊孟讓儘力橫行

渤海賊帥格謙據豆子崙自稱燕王齊人孟讓自長白山寇掠諸郡至盱眙衆十餘萬據都梁宮盱眙縣各屬鳳陽府都梁臺在盱眙縣西南三里今名都梁臺遺址尚存

楊元感益招呼蒲山李密

楚公楊元感素之子煬帝征高麗命元感於黎陽督運遂舉兵反蒲山公李密初為左親侍至是元感以密為謀主引兵向洛陽隋屈突通擊之元感敗死密亡匿後翟讓起兵推密為主號魏公蒲山縣名未詳處所惟嘉興府平湖縣東南三十里有蒲山湖海黎陽今大名府濬縣魏郡名今大名府

太原公攬掇起留守唐公

彈詞註卷七

九

隴西成紀人李淵父昶仕周封唐公淵襲爵為太原留守子世民說淵曰主上無道百姓困窮不若順民心以興義兵淵大驚曰汝安得為此言明日世民又說之晉陽令劉文靜說宮監裴寂勸舉兵寂謂淵曰二耶陰養士馬欲舉大事衆皆已協公意何如淵然之司馬許世緒司鑿武士獲情共勸淵乃使文靜詐為敕書發太原等郡民年二十已上為兵擊高麗由是入情恟恟思亂者衆乃命世民文靜等各募兵遠近赴集遂殺副留守王威高君雅事天子為太上皇立代王侑為帝移檄郡縣成紀今鞏昌府秦州

史萬寶李仲文長安接應

何潘仁邱師利整衆相從

向善志力扶持孫華彭舞

淵婿柴紹赴太原妻李氏歸鄠縣別墅散家貲聚徒衆淵從弟神通亦在長安亡入鄠縣山中與長安大使史萬寶等起兵應淵西域商胡何潘仁入司竹園為盜李氏使其奴馬三寶說潘仁就神通合勢攻鄠縣下之李氏又使三寶說羣盜李仲文向善志邱師利皆從之馮翊人孫華聚衆數萬最強亦附焉自是

關中羣盜悉降於淵
鄠縣屬西安府司竹園在
西安府蓋屋縣東周迴
百里馮翊今西安同州

梁師都煽惑起薛舉稱秦

朔方郎將梁師都殺郡丞據郡反稱帝國號梁金城
校尉薛舉起兵金城自稱西秦霸王攻陷隴右諸郡
後稱秦帝徙據天水
金城隋郡各今
陝西臨洮府蘭州天水今鞏昌府秦州

王德仁劉苗王喧呼北地

王德仁起兵於鄴擁眾保林慮山自號太公離石胡
劉苗王自稱天子以其弟六兒為永安王眾至數萬
林慮山一作陸慮山在彰德府林縣西北二十五
里離石地名在太原府劉淵嘗都於此苗王淵之裔
故曰離石胡

母端兒敬盤陔叫喊龍門

賊帥母端兒擁眾據龍門帝召李淵討之敬盤陔為
絳郡賊帥李淵亦擊降之
龍門今平陽府河津縣

絳郡今平陽府絳州

彈詞註卷七

十

左才相李子通依山據海

左才相起兵齊郡僭號博山公東海賊帥李子通起
兵海陵自號楚王寇江都後稱吳帝
東海隋郡各
今淮安府海州海陵今揚州府泰州

沈柳生梁蕭銑打鬧江陵

巴陵校尉董景珍等據郡叛以羅川令蕭銑梁室之
後迎春之甫募兵會穎川賊帥沈柳生寇羅川銑與
戰不利因謂眾曰巴陵豪傑欲奉吾為王若從其請
可以中興梁祚以此召柳生亦當從我矣乃改隋服
色旗幟皆如梁舊柳生即帥眾從之進克江陵遂稱
梁王
巴陵縣名屬岳州府羅川隋縣名今慶陽府
真寧縣

劉武周郭子和山西結黨

馬邑校尉劉武周殺太守王仁恭比連突厥胡衛郭
子和亦起兵於榆林自號永樂王比赴突厥始畢以
武周為定揚天子子和為平揚天子和固辭乃更
以為屋利設
馬邑縣名屬大同府永樂今保定府

滿城縣屋利設突厥俗謂別部典兵者曰設屋利乃一設之號

林士宏操師乞江廣憑陵

鄱陽賊帥操師乞自稱元興王攻陷豫章郡以其鄉人林士宏為大將軍帝以治書侍御史劉子翽討之殺師乞士宏代統其衆攻殺子翽自稱帝國號楚比自九江南及番禺皆為所有鄱陽縣名屬江西饒州府豫章今江西南昌府九江今江西九江府番禺縣名屬廣東廣州府

徐世勳王伯當滎陽抄掠

王當仁周文舉鞏洛崢嶸

翟讓起兵離狐徐世勳年十七說讓曰滎陽梁郡汴水所經劉行舟商旅足以自資讓然之引衆入二郡周文舉皆擁衆為盜李密說之皆附於讓當仁鞏城殺通守張須陁離狐縣名故城在兗州府曹縣界內滎陽縣名屬開封府濟陽縣名故城在兗州府曹縣西南五十里外黃縣名故城在開封府杞縣東北韋城縣名故城在大名府滑縣東南五十里

彈詞詳卷七

劉元進沈法興聚朋江表

餘杭劉元進起兵據吳郡朱變管崇等推為天子吳興太守沈法興起兵據江表十餘郡稱王毘陵餘杭縣名屬杭州府吳興今湖州府毘陵今江西南常州府

左孝友盧明月發恨齊東

齊郡賊左孝友衆十萬屯蹲狗山涿郡賊盧明月衆十餘萬軍祝阿蹲狗山未詳處所祝阿今兗州府東阿縣

楚朱粲楊士林互相攻討

城父朱粲始為縣左史聚衆為盜謂之可達寒賊自稱迎樓羅王引兵掠荆沔及山南郡縣所過唯頹無遺淮安土豪楊士林起兵攻粲衆敗奔菊潭士林帥漢東四郡降唐以為顯州道行臺城父故城在鳳陽府亳縣東南七十里荆州沔今湖廣沔陽州菊潭在南陽府內鄉縣西北顯州今南陽府泌陽縣

裴長才白瑜娑嘯聚山林

賊帥裴長才衆二萬與王簿孟讓等結連進攻章邯
靈武白瑜娑劫牧馬連突厥隨右謂之奴賊 靈武
隋郡名故城在陝
西寧夏衛城南

李公逸單雄信糾合翟讓

韋城翟讓為東郡法曹坐事當斬亡命於瓦岡為羣
盜單雄信聚少年往從之雍邱盜李公逸亦附焉後
據興樂倉擊敗東都兵推李密為魏公
畧取河南諸郡 雍邱今開封府杞縣

王世充乘勢反占了東京

王世充西域胡人姓支氏父收幼從母嫁王氏遂冒
其姓煬帝以世充為江都官監後輔越王侗於洛陽
為僕射世充自稱鄭王
尋弒侗稱帝據東京

高開道起漁陽日稱燕主

高開道格謙部將謙死開道收餘衆後據
漁陽自稱燕主 漁陽今順天府薊州

宋金剛與易水自在縱橫

宋金剛起兵易州為竇建德所敗降於劉
武周武周號曰宋王 易州屬保定府

涼李軌自稱河西據土

武威司馬李軌起兵河西自稱涼王攻陷張掖燉
煌西平抱罕盡有河西五郡 河西即今甘肅鎮

徐圓朗居海島陷了東平

魯郡徐圓朗攻陷東平郡遂據兗州并有海
岱 魯郡今濟南府東平州名屬兗州府

虎賁郎名羅藝幽州抗命

虎賁郎羅藝起兵涿郡殺渤海太守唐祥等柳城隍
遠並歸之藝自稱幽州總管 柳城故城在永平府
城西二十里
懷遠鎮名

守新鄉劉黑闥背主降人

劉黑闥漳南人與竇建德善後事王世充嘗竊笑其
所為世充使守新鄉黑闥遂降建德署為將軍 新
鄉縣屬
衛輝府

彈詞註卷七

土

辛未歲為饑荒干戈亂起

大業七年辛未煬帝征高麗死者相枕民生計無遺加之饑饉采樹皮葉或擣藁煮土而食之諸物皆盡乃自相食相聚為羣盜

丙子年隋煬帝遊幸蕪城

大業十二年丙子帝如江都以越王侗留守任崇崔大業王受仁等以盜賊充斥不宜遊幸上表極諫皆殺之遂幸蕪城復營宮室自是不復返東都矣蕪城即古邗溝城吳王濞故都後荒蕪鮑貽昭作蕪城賦鮑貽昭字明遠杜詩所謂俊逸鮑參軍也今黃梅縣治即貽宅

丁丑年十二處改稱年號

按煬帝大業十三年丁丑改年號者止八處恭帝侑義寧元長樂王竇建德丁丑元魏公李密元定煬可汗劉武周大興元梁王梁師都永隆元秦王薛舉泰興元梁王蕭銑鳴鳳元楚帝林士宏太平二年至戊寅又改元者四楚恭帝侗皇泰元唐高祖武德元涼王李軌安樂元楚王朱粲昌達元兩年改號共十一處

彈詞註卷上

十一

李世民十八歲舉義興兵

李世民唐公淵之第二子年十八見隋室方亂陰有安天下之志傾身下士散財結客劉文靜見而異之謂裴寂曰此人雖少命世才也世民就文靜定計乘間說淵舉義淵大驚世民曰天時入事如此願大人勿疑淵乃歎曰汝言亦大有理今日破家亡軀由汝化家為國亦由汝矣遂起兵太原

扶立起老令公大唐高祖

李淵起兵後立隋代王侑為帝淵自為大丞相封唐王以武德殿為丞相府政教稱令及煬帝被弑淵遂受隋恭帝禪稱皇帝國號大唐是為唐高祖

據長安平禍亂濟世安民

淵起兵太原遣世民擊西河郡拔之尋取霍邑進圍河東世民說淵西趣長安乃留諸將圍河東自引兵而西世民狗渭北吏民及羣盜歸之如流遂進克長安悉除隋苛禁約法十二條初世民年四歲有書生

見而異之曰龍鳳之姿天日之表其年幾寇必能濟
世安民故採其語名曰世民 西河隋郡名今山西
汾州霍邑今平陽府
霍州河東今平陽府

戊寅年隋煬帝江都遇害

宇文家冤業報化及行兇

戊寅恭帝侑之義寧二年也煬帝在江都荒淫益甚
惟天下危亂退朝則幅巾短衣編歷臺閣汲汲顧景
然且共樂飲耳引鏡自照曰好頭頸誰當斫之後驚
問故帝笑曰貴賤苦樂更迭為之亦復何傷見中原
已亂無心北歸乃命治丹陽宮將徙都之時從駕驍
果多關中人思歸郎將司馬德戡裴虔通等共謀亡
去以告將作少監宇文智及因請以智及兄許公化
及為主乃召驍果夜入永巷問陛下安在有美人出指之校
尉令狐行達拔刀直進扶陛下閣勒兵守之至旦虔
通逼帝出宮化及曰何用持此物出亟還與手於是
引帝還至寢殿虔通等露刃侍立帝曰今日之事孰
為首耶德戡曰溥天同怨何止一人帝遂遇害初文

彈詞註卷七

十四

帝篡宇文氏之天下盡滅其族而其子孫終見弑於
宇文氏之手冤業之報信不爽也 亟還與手謂急

引還與下手弑之也

趙王杲可憐兒長號見殺

趙王杲煬帝愛子時年十三化及作亂杲
在帝側號慟不已裴虔通斬之血滿帝衣

大麻繩細頸下送了三魂

化及欲弑帝帝曰天子死自有法何得加以鋒刃取
鳩酒來賊黨馬文舉不許使令狐行達縊殺之蕭后
令宮人撤牀簀
為棺以埋之

拋撇下兩孤孫權臣侮弄

煬帝三孫代王侑燕王倓趙王侗皆元德太子昭之
子也倓為化及所害李淵入長安立侑為帝後禪位
於唐封儁國公是為恭帝王世充輔侗於東都世充
篡位封為潞國公後裴仁基等謀誅世充事泄世充
飲鴆詣侗侗布席禮佛曰從今以往願不東乎儁家
飲藥不能絕縊殺之偽諡為恭帝 儁今生乎儁家

宋金剛相持金剛食盡北走秦王追及金剛將尋相
於呂州大破之乘勝逐北一晝夜行二百餘里戰數
十合追及金剛於雀鼠谷一日八戰皆破之秦王不
食者二日不解甲者三日走突厥金剛走死并州悉
降武周薛舉之子舉卒仁果襲位爲秦王攻唐涇州
平仁果薛舉之進至高城仁果使宗羅睺拒戰秦王引
秦軍自原北出其不意羅睺大潰秦王率二千餘騎
追之圍其城仁果計窮出降斬之并州今太原府
汾今山西汾州晉唐初五里雀鼠谷在汾州介休縣
故城在平陽府霍州西今平陽府高塘地名在隴西原
西南二十一里涇州屬平涼府高塘地名在隴西原
北淺水原
之北也

行戰討掃烟塵一十四載

秦王起兵時年十八至即位年三十一
一歷戰討以定天下者凡一十四年

攻堅城陷強敵幾度勞心

凡攻城陷陣秦王身先士卒
卒謀畧無比所向皆克

彈詞註卷七

去

用人物總賢才房謀杜斷

帝以秦王爲天策上將開館以延文學之士杜如晦
房元齡等共十八人每學士秦王使如晦參謀帷幄
軍中多務剖決如流每爲秦王謂將爭取寶貨元齡獨
收采人物置之幕府後秦王即位並取爲僕射兩入
引拔士類常如不及帝每與元齡謀事必曰非如晦
不能決及如晦至卒用元齡之策元齡善謀如晦善
斷同心狗國故唐世稱賢相者推房杜焉如晦字
克明封萊國公杜陵人元齡字喬孫世居臨淄諡文
昭

尉遲恭秦叔寶慣戰能爭

尉遲敬德先爲宋金剛將善避稍每單騎入賊羣刺
之不能傷金剛敗敬德遂降後金剛降將多叛去諸
將疑敬德囚之秦王引入卧內賜之金曰丈夫意氣
相期必欲去者以此金相資已而秦王以五百騎行
戰地世充帥騎萬餘圍之單雄信引禦直趣秦王敬
德躍馬大呼橫刺雄信墜馬翼秦王出世充敗走秦
王謂曰公何相報之速也建成以書招之贈金四一
車固辭秦王曰公心如山岳雖積金至斗豈能移之

從討竇建德王世充劉黑闥功居多以功累封國
公初世充以秦叔寶為將軍叔寶疾其多詐會世充
與唐兵戰於九曲叔寶遂降秦王厚禮之以為總管
從征戰有功累官左武衛大將軍封胡壯公九曲
地名在隴西尉遲恭字敬德
馬邑人秦叔寶名瓊歷城人

臨湖殿舉干戈三王定統

帝以子建成為太子世民為秦王世吉為齊王建成
喜酒色遊畋元吉多過失皆無寵秦王功名日盛建
成內不安與元吉多謀欲害秦王密請殺秦會太
奇寮佐皆惶懼不知所出房元齡等密勸決計會太
白再經天傳奕密奏太白見秦分秦王當有天下帝
以其狀授秦王因密奏建成元吉淫亂後宮且曰
臣於兄弟無絲毫負今欲殺明以秦世充建德報仇
帝驚報曰明當鞠問汝宜早除明以秦世充建德報仇
忌等伏兵於元武門張婕妤早竊知秦表意馳語無
成召元吉謀之元吉曰宜勒兵不朝以鞭形勢建成
曰兵備已嚴當俱入參自問消息乃俱入至臨湖殿
覺有變欲還秦王追射建成殺之尉遲敬德射殺元
吉於是東宮齊府示帥薛萬徹等率眾大至攻元武
門敬德以二人首示之乃散去帝方泛舟海池秦王

彈詞註卷七

七

老糊塗無決斷同氣相刑

使敬德環甲持矛直至上所奏曰太子齊王作亂秦
王兵已誅之矣恐驚動陛下遣臣宿衛帝謂裴寂等
曰不圖今日乃見此事蕭瑀陳叔達曰建成元吉疾
秦王功高共為奸謀今秦王已計而誅之陛下若處
以元良無復事矣帝為皇太子軍國庶事悉委太子處決
號勵久之遂立為皇太子軍國庶事悉委太子處決
然後聞奏建成元吉諸王皆
坐誅無忌字輔幾洛陽人

初秦王勸帝起兵帝曰事成當以汝為太子及即位
不立世民而立建成後建成忌之私使慶州都督楊
文幹募壯士以圖世民文幹反帝召世民曰文幹事
連建成恐應之者眾汝宜自行還立汝為太子吾不
能效隋文帝自誅其子當封建成元吉與王蜀兵脆弱
建成請帝意遂變遣建成還守京師惟責以兄弟不
睦而止後秦王與太子嫌隙益深以洛陽形勝之地
欲出保之帝謂世民曰首建大謀皆汝之功吾欲立
汝為嗣汝固辭且建成年長處當遣汝居洛陽自陳
以東皆主之仍建天子旌旗如漢梁孝王故事建成

恐秦王至洛陽不可復制不如留之長安一匹夫耳
乃密令人上封事帝遂止房元齡謂長孫無忌曰莫
若勸王行周公之事以安國家遂有六月四日臨湖
之變司馬公曰高祖地嫌勢逼必不相容卒為功隱太
子以庸劣居其右地嫌勢逼必不相容卒為功隱太
迫遂至蹠血禁門推刀同氣惜哉慶州今陝西慶
陽府蹠履也謂殺人流履沙
之也建成後追封為隱太子

唐太宗登寶位神文聖武

武德九年六月高祖立世民為皇太子即自稱太上
皇詔傳位太子世民固辭不許八月太子即位是為

太宗文
武皇帝

瓚按史載明皇八年太白山人李渾上言見神人之
金星洞有玉板石記曰聖主福壽之符命王鉞求獲上
帝以符瑞上高祖詔曰神堯太宗曰文武羣臣請上
明皇尊號曰開元天地大寶聖文神武應運皇帝今
以太宗稱神文
聖武考無所據

舉讐臣放怨女發政施仁

彈詞註卷七

大

初建成太子中允王珪洗馬魏徵常勸建成早除秦
王及建成敗帝詔徵謂曰汝何為離間我兄弟徵對
曰先太子早從徵言必無今日之禍帝改容禮之引
為詹事主簿亦召王珪於雋州以為諫議大夫後帝
宴羣臣於丹霄殿長孫無忌曰王珪魏徵昔為仇讐
不謂今日得同此宴帝曰徵珪盡心所事故我用之
帝即位初首於宮女三千餘人貞觀二年中書舍人
李百藥言往雖出宮人無用者尚多帝又簡出三千
餘人雋州本西南夷邛都國地屬四川王
珪字叔珍初縣人魏徵字元成下曲陽人

興學士講經書招賢納諫

帝置宏文館聚四庫書二十餘萬卷選天下文學之
士虞世南褚亮姚思廉歐陽詢蔡允恭蕭德言以本
官兼學士令更日宿直聽朝之隙引入內殿講論前
言往行商確政事或至夜分帝求賢若渴納諫
如流宏文館在西安府治東北五里世南字伯施
餘姚人楷亮字希明錢塘人思廉武康人歐陽詢字
信木臨湘人
德言字文行

輕差徭薄稅斂惜愛生靈

帝愛養百姓輕徭薄稅
且賑恤蠲租屢見舉行

罷鷹犬吞蝗蟲人心頂戴

帝縱禁苑鷹犬羅四方貢獻畿內蝗帝入苑中見蝗
擐數枚祝之曰民以穀為命而汝食之寧食吾之肺
腸遂吞之是
歲蝗不為災

盜賊消糧食賤海內昇平

帝與羣臣論止盜或請重法以禁之帝曰朕當去奢
省煩輕徭薄賦選用廉吏使民衣食有餘則自不為
盜安用重法耶自是數年之後天下大稔斗米
不過三四錢海內昇平路不拾遺商旅野宿焉

同漢高符魏祖的真英主

初晉陽令劉文靜見世民謂裴寂曰此非常人器達
類漢高神武同魏祖後高祖使李密迎世民於幽州
密一見驚服私謂殷開山曰真英主也不如是何以
定禍亂乎文靜武功人裴寂蒲州人開山鄆縣人

畫凌烟圖王會彪炳丹青

彈詞莊卷七

九

帝圖功臣於凌烟閣趙公長孫無忌河間元王孝恭
萊成公杜如晦鄭文貞公魏徵梁公房元齡申公高
士廉鄂公尉遲敬德衛公李靖宋公蕭瑀褒忠壯公
段志元夔公劉宏基蔣忠公屈突通鄖節公殷開山
譙襄公柴紹邳襄公長孫順德鄖公張亮陳公侯君
集邳襄公張公謹盧公程知節永興文懿公虞世南
渝襄公劉政會苦公唐儉英公李世勣胡壯公秦叔
寶三十四人時遠方諸國朝貢者甚眾中書侍郎顏
師古請作王會圖以示後從之凌烟閣在西安府
城中唐之西內太極殿之東士廉名儉字靖字藥師
三原人蕭瑀字時文志元臨淄人柴紹字靖字藥師
無忌子公謹字宏慎繁水人君集三水人世勣字懋
功曹州人本
姓徐賜姓李

大體段好規模高出千古

歐陽修謂帝除亂比湯武致治幾成康尹氏曰太宗
武定亂畧文致太平論功較德直與古帝王並驅爭
先

就中間剛扭捏不滿人心

舉大事自卑微劫父臣虜

高祖初為太原留守與宮監裴寂有舊每相宴語或連日夜世民欲起義恐父不從乃因寂闕說寂先以晉陽宮人侍淵飲酒酣寂從容許之曰陰養士馬欲舉大事正為寂何官人從之耳及起兵晉陽劉文事已如此當復奈何須從之耳及起兵晉陽劉文靜勸淵與突厥相結資其士馬以益兵勢淵自為手啟甲辭厚禮遺始畢可汗始得啟云荷唐公自為天子我嘗以兵馬助之闕其柱國康輔利送馬于匹請兵與之納曰言入長安民眾受書遣文靜至突厥帛歸突厥始畢大喜胡氏曰隋煬帝殺兄李淵擊其大逆不道之罪舉兵討之世民不必用宮人侍以劫父也不必詐為救書發民以鼓怨也不必稱臣突厥也不必尊江都而立天下不必推獎李密也收召豪傑分擊二京義聲既震王下歸唐其孰理者惜乎乘時舉事雖不旋踵成功而用智術違義理者矣多

亂人倫納弟婦貽誚辰羸

瑄詞註卷七

三

巢刺王元吉妃楊氏帝納之有寵生子曹王明文德皇后長孫氏崩帝欲立楊氏為后魏徵諫曰陛下方比德唐虞奈何以辰羸自累乃止尋以明繼元吉後范氏曰太宗殺弟而納其妃瀆人倫甚矣又以明繼元吉後是彰其母之為弟婦也帝遂追封元吉愛海陵刺王後詔號巢刺王按縣慎狠過不思忌愛曰刺巢封邑名今無為州巢縣辰羸懷羸也晉太子圍質於秦秦以羸氏妻之後圍逃歸是為懷公故羸氏號懷羸及重耳奔秦秦伯納女五人懷羸與焉蓋重耳之姪婦也今妃為太宗弟婦故徵以此為喻

君臣義不克終停婚失信

鄭公魏徵寢疾帝至其第指衡山公主欲以妻其子叔玉徵薨帝自製碑文並為書石後有言徵自錄前後諒辭以示起居郎褚遂良者上不悅乃罷叔玉尚主並陪所撰碑顧氏曰停婚陪碑而君臣之義以絕衡山今衡州府

戰爭心無厭足跨海東征

高麗東部大人泉蓋蘇文弒其王建武帝曰蓋蘇文弒君不可不討欲自征高麗褚遂良曰高麗誠當

三綱敲十漸非投懷青雀

致討但命一二猛將往不必踰遼海之險輕行遠舉
帝不聽以張亮李世勣為行軍大總管下詔親征世
勣拔蓋牟城以其城為遼州進攻安市城大破其救兵
按遼東城以石紀功書報太子曰克帝為將如此何
如及攻安水凍乃救班師渡遼暴風雪戰士死者無算
寒草抄水凍者什七八帝以不能成功深悔之尹氏曰
戰馬死者什七八帝以不能成功深悔之尹氏曰
宗遼東之行非為蘇文之弑君實欲騁所長以夸太
天下而已其少時親見隋煬之事固已技癢於中故
當世人皆莫及而不料蘇文之能抗也好勝必欲獨勝
取挫劍可勝惜哉泉蓋蘇文自云生水中以惑人
故姓泉氏高麗今朝鮮國蓋州遼州俱今奉天府

程伊川曰唐有天下如貞觀開元雖號治平然三綱
不正無君臣父子夫婦之倫其原皆始於太宗魏徵
上疏以為陛下志業比貞觀初漸不克終者凡十初
清淨寡欲今訪求珍怪一漸也初不輕營為今肆用
初親君子斥小人今棄小人遠君子四漸也初不貴
異物今玩好樵進五漸也初求士如渴今由心好惡
六漸也初無田獵之好今馳騁為樂七漸也初遇下
有禮今詰責細過八漸也初孜孜求治今長傲驕武
九漸也初撫寧戶口死不攜貳今徭役勞敝百姓不
帖十漸也初投懷青雀見下

彈詞註卷七

廢承乾併魏泰國本幾傾
帝太子承乾喜聲色畋獵所為奢靡魏王泰多能有
寵潛有奪嫡之志太子畏其逼望善刺客紇于承基
等謀殺之吏部尚書侯君集怨望以太子暗劣欲承
農圖之因勸之反會承基坐事繫獄上變告太子謀
反帝面責承乾承乾曰臣為太子復何所求但為泰
所圖謀自安之術不逞之人遂教臣為不軌今若泰
為太子所謂落其度內也帝誅君集等廢承乾為庶
人太子既廢泰曰入侍奉帝許立青雀投我懷云臣
固請立晉王治帝謂侍臣曰昨青雀投我懷云臣
日始得為陛下子臣有一子臣死之日當為陛下
之傳位晉王朕甚憐之諫議大夫褚遂良曰陛下萬
歲後魏王願先措置晉王始得安全上始悔曰我欲
立晉王無忌曰謹奉詔上乃使治拜無忌曰汝舅許

立晉王無忌曰謹奉詔上乃使治拜無忌曰汝舅許

汝矣遂立治為太子謂侍臣曰我若立泰則承乾與治皆不全治立則承乾與泰皆無恙矣乃降泰爵東萊郡王幽之北苑青雀魏王

唐高宗初倚任遂良無忌

太宗寢疾長孫無忌褚遂良受遺詔輔政謂太子曰無忌遂良在汝無憂天下尋崩太子治即位是為高宗以無忌為太尉遂良為吏部尚書同三品遂良宇登善錢塘人

納父妾貶耆舊漸不聰明

初太宗納故荊州都督武士護女立為才人太宗崩帝拜為昭儀帝欲廢皇后王氏而立昭儀為后恐大臣不從乃與昭儀幸長孫無忌第拜無忌寵姬子三人皆為朝散大夫仍載金寶繒錦十車以賜無忌帝因言皇后無子以諷之無忌對以他語帝與昭儀皆不悅而罷後召無忌遂良等入內殿帝曰皇后無子武昭儀有子今立為后何如遂良曰先帝臨崩執陛下手謂臣曰朕佳兒佳婦今以付卿非有大故不可廢也明日帝又言之遂良曰陛下必欲易皇后請擇令族何必武氏武氏經事先帝衆所共知萬代之後

彈詞詳卷七

主

謂陛下為何如主臣今忤陛下意罪當死因置笏於殿階叩頭流血曰還陛下笏乞放歸田里帝大怒昭儀在簾中大言曰何不撲殺此獠無忌曰遂良受先朝顧命有罪不可加刑帝乃貶遂良為潭州都督尋改貶遠州刺史武氏又無忌受重賞而不助已深怨之會人告太子洗馬韋季方罪敕許敬宗韋之安宗因誣季方欲與無忌謀反帝乃削其官封黔州安置韓嬰涕泣極諫曰陛下無故棄逐舊臣恐非國家福不聽潭州今湖廣長沙府黔州今大名府開州護音獲療音聊

果然是雉兒懦不堪負荷

初太宗疑帝柔弱密謂長孫無忌曰雉兒懦恐不守社稷吳王恪英果類我我欲立之無忌固爭以為不可乃止

雉奴帝小字

任中宮稱二聖背禮忘恩

武后各嬰性明敏涉獵文史帝每視事後垂簾於後政無大小皆預聞之大權悉歸中宮帝拱手而已中外謂之二聖武后母章氏夜夢兩日同排於太空而生后嬰音照

王皇后蕭淑妃二姬骨醉

皇后王氏寵雖衰帝未有廢意也會武昭儀生女后憐而弄之后出昭儀潛扼殺之帝至昭儀陽歡笑發被視之女已死矣即驚啼問左右皆曰皇后適來此帝大怒曰后殺吾女昭儀因泣數其罪后無以自明帝乃廢后為庶人與淑妃蕭氏並囚於別院帝嘗念之間行至其所呼之王后泣對曰至尊若念疇昔使得再見日月幸甚帝曰朕即有處置武后聞之大怒遣人斷去手足投酒甕中曰令二姬骨醉數日俱死又斬

長髮尼權在手瘧氣吞聲

初帝為太子入侍太宗見武氏悅之太宗崩武氏出為尼忌曰帝詣寺行香見之泣時淑妃有寵王后疾之后陰令長髮納之後宮欲以聞淑妃之寵武氏亦屈身忍辱奉順帝意帝大寵幸排羣議而立之及得志專作威福帝動為所制不勝其忿會宦者王伏勝發其使道士郭行真出入禁中為厭禱事帝密召上官儀議之儀請廢之帝即命草詔左右奔告於后后遽詣帝自詠帝羞縮不忍乃曰我初無此心皆上官儀教我於是后使許敬宗誣奏儀與伏勝殺之顧氏曰后以虺蜴之心豺狼之性一旦太阿在手女可殺手可殺皇后可殺而何有於李氏哉

唐中宗癸未年殘冬即位

高宗宏道元年癸未冬十二月帝崩太子哲即位是為中宗

武則天稱太后自主朝廷

初高宗上元元年帝稱天后稱天后後遺詔軍國大事有不決者兼取天后進止中宗立尊天后為皇太后政事咸取決焉後中宗復位上尊號曰則天大聖皇帝

甲申年二月間裴炎作禍

被雌龍生毒害貶做廬陵

中宗改元嗣聖元年正月立妃韋氏為皇后先是高宗疾甚夜詔裴炎受遺詔輔太子次年甲申二月中宗欲以后父元貞為侍中中書令裴炎固爭中宗怒曰我以天下與元貞何不可而惜侍中耶炎懼白太

后密謀廢立太后集百官於乾元殿勅兵宣令廢中宗為廬陵王遷於房州胡氏曰裴炎但知元貞與已分權不若倚后為重而不為唐室遠慮以啓革命屠戮之禍罪不止於廢君已也廬陵縣名屬吉安府

豫王旦順母情暫登龍屨

太后立高宗第八子豫王旦為皇帝居別殿不得有所預政事皆決於太后旦後為睿宗豫唐州名今河南汝

母居中立年號溷亂文明

睿宗二月改中宗嗣聖元年為文明元年九月太后臨朝復改文明為光宅元年

庚寅歲奪朝權稱周改號

庚寅七年太后改元天授九月侍御史傅遊藝上表請改國號曰周賜皇帝姓武氏擢遊藝為給事中於是百官宗戚百姓合六萬餘人俱上表如遊藝所請太后御則天樓赦天下以唐為周周曰聖神皇帝受始封國也並改用周正建子尊號曰聖神皇帝受尊號於萬象神宮旗幟尚赤改置社稷宗廟以武氏

彈詞卷七

祖配上帝尋自加越古之號又自號天冊金輪大聖皇帝

賜君王姓武氏泯滅宗親

太后以豫王旦為皇嗣賜姓武氏先是太后遣將軍邱神勣殺故太子賢於巴州潛謀革命稍除宗室瑯邪王冲越王貞等密謀匡復與諸王往來納結未定而冲先發遽起博州貞狼狽應之亦舉兵於豫州諸王皆不敢發冲為門者所殺貞自殺太后遂大殺唐宗室使周興按之收韓王元嘉魯王靈夔黃公譔等迫使自殺霍王元軌江都王緒東莞公融范陽王靄坐與二王通謀皆殺之又殺汝南王燁鄆陽王靄十二人徙紀王慎於巴州遣卒八男相繼被誅又殺鄭王徽等六人旋殺澤王上金許王素節誅其諸子又殺豫章王廩南安王顛等十二人鞭殺故太子賢直李暉李然李勳李策李越李驥李立李英李志業李知言李元貞唐之宗室於是殆盡其幼弱者亦流嶺南瑯邪郡名故城在青州府諸城東南琅邪山下越州名今紹興府博州今東昌府黃縣名屬登州府江都縣名屬揚州府范陽今順天府府澤許皆州名南安縣名屬泉州府

白馬主蓮花郎穢污宸極

懷義本姓馮各小寶因高祖女千金公主以進得幸於太后乃度為僧改名懷義以為白馬寺主太后託表懷義有巧思使入宮營造補闕王求禮表請闕中表寢不出太平公主薦張昌宗張易之入侍禁中二年少美姿容皆得幸於太后以昌宗為散騎常侍易之為司衛少卿武承嗣三思皆候其門庭爭執鞭轡謂易之為五郎昌宗為六郎時人或譽昌宗之美曰六郎面似蓮花內使揚再思曰乃蓮花似六郎耳二人常傅朱粉衣錦繡賞賜不可勝計後以易之為奉宸令封昌宗鄴國公又多選美少年為奉宸內供奉右補闕朱敬則曰陛下內寵易之昌宗足矣而侯祥等明自媒銜云陽道壯偉過於懷義求入供奉醜慢無恥太后勞之曰非卿直言朕不知此漢明帝時摩騰竺法蘭始自西域以白馬馳經來初止鴻臚寺遂取寺為名創蓋白馬寺在平陽府城東即僧寺之始太平縣名屬平陽府

來俊臣索元禮羅織威刑

太后自以久專國政內行不正知宗室大臣怨望欲太誅殺以威之有胡人索元禮因告密擢為遊擊將軍令按制獄元禮性殘忍推一人必令引數十百人周與來俊臣之徒效之與屢遷至秋官侍郎俊臣至御史中丞皆養無賴數百人意所欲陷則使數處俱告之辭狀俱同既下獄則以威刑脅之無不誣服又造告密羅織經一卷網羅無辜織成反狀其詞因酷法有定百脈突地吼死猪愁求破家反是實等號中外虎狼於虎狼之甚

李敬業駱賓王勤王空檄

時諸武用事唐宗室人人自危衆心憤惋會柳州司馬英公李敬業及弟敬猷唐之奇駭實王魏司温等皆失職怨望乃謀起兵揚州以匡復廬陵王為辭復稱嗣聖元年移檄州縣畧曰偽臨朝武氏者人非溫順地實寒微昔充太宗下陳嘗以更衣入侍洎乎晚節穢亂春宮密隱先帝之私陰圖後庭之變踐元后於羣翟陷吾君於聚庭殺子屠兄絀君鳩母入神之盟委以重任一抔之土未乾六尺之孤何在試觀今日之域中竟是誰家之天下太后見機問誰所為或對曰駱賓王太后曰宰相之過也人有才如此而使之流落不偶乎遣大將軍李孝逸討之敬業取潤州

彈詞註卷七

重

孝逸擊之因風縱火敬業大敗其將王那相斬敬業
等首來降 柳州屬廣西潤州今鎮江府敬業世勳
孫嗣爵英國公駱賓王義烏人與王
勃楊炯盧照隣齊名海內稱四傑

狄仁傑張柬之救正殷勤

司空梁公狄仁傑太后信重之謂之國老而不名仁
傑深沉鄭重彌縫救正太后為之感悟還廬陵於東
宮太后嘗問仁傑曰朕欲得一佳士用之仁傑曰荆
州長史張柬之其人雖老宰相才也太后擢為洛州
司馬仁傑曰臣所薦者宰相非司馬也遂遷柬之為
秋官侍郎後以同平章事相非司馬也遂遷柬之為
後所薦桓彥範敬暉等數十人卒成反正之功洛
州今河南府仁傑字懷英太原人謚文惠柬之字孟
將襄陽人謚文貞彥範字
士則敬暉字仲曄謚肅愍

廬陵王十五年房州聽命

太后廢帝為廬陵王自嗣聖元年甲申遷於房州至
戊戌始還東都凡一十五年 房州今鄖陽府房縣

子姪親鸚鵡夢取至東宮

彈詞註卷七

庚

時武承嗣武三思營求為太子狄仁傑從容言於太
后曰文皇帝親冒鋒鏑以定天下傳之子孫夫帝以
二子託陛下今乃欲移之他族無乃非天意乎且姑
姪與母子孰親陛下立子則千秋萬歲後配食太廟
立姪則未聞姪為天子而附姑於廟者也太后意稍
悟他日又謂仁傑曰朕夢大鸚鵡兩翼皆折何也對
曰武者陛下之姓兩翼二思而託言廬陵有疾遣
振矣太后由是不立承嗣三思而託言廬陵有疾遣
使人至復立中宗為皇太子賜姓武氏居東宮
元人詩曰一語喚回鸚鵡夢九霄奪得鳳皇還

乙巳年春正月五龍返正

神龍元年乙巳春正月太后疾甚昌宗易之居中用
事張柬之與天官侍郎崔元暉中臺右丞敬暉司刑
少卿桓彥範相王司馬袁恕已謀誅之柬之乃與羽
林大將軍李多祚右羽林將軍楊元琰定謀又用彥
範暉皆為羽林將軍委以禁兵時太子於北門起彥
彥範暉謁見密陳其策太子許之柬之等帥羽林軍
五百人至元武門遣多祚等詣東宮迎太子斬關而
入斬易之昌宗於廡下進至太后所寢長生殿太后
驚起問曰亂者誰耶多祚等對曰張易之昌宗謀反
臣等奉太子令誅之太后見太子曰小子既誅可還

東宮彥範進曰昔天皇以愛子託陛下願傳位太子以順天人之望於是以太后制命太子監國明白太后傳位於太子中宗復位太后徙居上陽宮北門唐分宰相為南司故稱南牙宦寺為北司故稱北門長生殿初太宗建溫泉宮於驪山下至明皇改為華清宮內有飛霜九龍長生明珠等殿在西安府臨潼縣東南上陽宮隋煬帝建在河南南府閩鄉縣舊湖城縣西北

十六載復稱唐李氏乾坤

當太后改號時鳳閣舍人張嘉福使王慶之數百人上表請立武承嗣為皇太子曰神不歆非類民不祀非族今誰有天下者而以李氏為嗣乎太后不從羅長源曰武氏一亂幾以不唐自庚寅七年太后改國號為周至乙巳凡十

憂變喜死復生不知忌憚

帝初遷房州日晁憂懼每聞敕使至輒惶恐欲自殺及復位倚任中宮寵用武氏

越昏愚越懵懂怎做人君

彈詞註卷七

七

時諸武之勢復振東之等數勸帝誅之不聽東之等或撫床歎憤或彈指出血曰主上昔為英主今反如此知復奈何

想當日為輕許外家天日

恰回朝仍追念海誓山盟

帝在房州與后韋氏同幽閉備嘗艱危情愛甚篤嘗與后私誓曰異時幸復見天日當惟卿所欲不相禁禦至是復位后遂于預朝政帝每臨朝后必施帷帳坐於殿上如武后在高宗之世矣

妻煽禍女持權五王戮死

上官儀女婉兒沒入掖庭帝拜為婕妤武三思通焉婉兒又薦三思於韋后亦與后通帝遂拜三思為司空帝又安樂公主適三思子崇訓公主賣官鬻獄勢傾朝野或自為制敕掩其文令上署之上笑而從之自請為皇太女帝亦不譴責敬暉等表以諸武封建如舊乞降其王爵以安內外武三思忌之以崔湜鄭愔為謀主與韋后日夜譖暉等恃功專權不若封以王爵罷其政事帝遂封敬暉為平陽王桓彥範為扶

陽王張柬之為漢陽王袁恕已為南陽王崔元暉為
博陵王皆罷政事大權盡歸三思三思尋陰令人疏
皇后穢行榜於天津橋請加廢黜帝大怒命李承嘉
窮覈其事承嘉言敬暉所為帝乃長流敬暉於瓊
州崔暹於三思遣使矯制殺之恕已於瓊州元暉於
大理正周利用乃使攝侍御使奉使嶺外比至東之
元暉已死遇彥範於貴州令左右縛之曳於竹槎之
上肉盡至骨乃杖殺之得暉剛而不死不勝毒憤
金利用逼之使飲野葛汁盡數升不勝毒憤
地瓜甲殆盡仍試殺之安樂唐所置縣今臨洮府
狄道縣是平陽今平陽府扶陽縣名故址在思南府
城西北漢陽縣屬漢陽府南陽縣屬南陽府博
陵今定州天津橋在河南南北夾起四樓唐貞觀中始
帝建用大船連以鐵鎖南府城起四樓唐貞觀中始
堯石為岸即宋邵雍鎮南府城起四樓唐貞觀中始
廣州化外唐置灑州隴州今鞏慶府瓊州今瓊州府
環縣古州莫詳沿革惟黎平府城西六十里有古州
八萬洞軍民長官司貴州貞觀中所改今梧州
府鬱林州安樂公主名裏兒再適武延秀

寵仇讐輕社稷愛子遭刑

彈劄註卷一

天

武三思先在武后朝營求為太子幾危社稷至是帝
寵任三思與之同議政事數徵服幸其第及賜敬暉
等五人王爵罷其政事三思令百官修復太后之政
不附武氏者斥之為五王所逐后惡之大權盡歸三
思矣帝太子重俊非韋氏所生后惡之三思尤忌之
駙馬武崇訓又教安樂公主請廢太子太子積不能
平與李多祚矯制發羽林兵殺三思崇訓於其第太
子與多祚斬關而入叩閤索上官婕妤好帝乃與韋后
安樂公主婕妤好登元武氣樓俯視多祚所將騎曰
法輩皆朕宿衛之士何為從多祚反苟能斬反者勿
患不富貴於是干騎斬多祚等餘眾皆潰太子亦為
左右所殺帝以其頭獻太廟及祭三思崇訓之柩然
以狗社稷及內外皆定隆基討誅諸韋曰我曹為此
王王曰社稷宗廟不墜於地汝之力也

戲燈市御梨園荒淫酒色

帝與韋后微行觀燈於市里縱宮女數十人出遊多
不歸者又御梨園命三品以上拋毬拔河韋巨源唐
林璟袁老隨緬踏地在西安府雲陽廢縣漢武帝置一
笑梨園有二一在西安府雲陽廢縣漢武帝置一

在京兆府通化門外唐文宗命王涯取開元雅樂於
之既成獻之於此拔河戲名也清明節以大蘇絙雨
頭繫于餘小繩數人執之爭挽力弱者為輸
又一說以蘇絙巨竹分朋而挽水謂之拔河

點官中雙陸籌醜行邪心

帝嘗使韋后與武三思雙陸而自為點籌上官嬖奸
立外第出入無節朝士往往從之遊處以求進達

桑條韋同女梟餅中藏藥

苦炎天神龍殿做了冤魂

初宮中言皇后衣笥上有五色雲見上令圖示百
官葉志忠奏昔神堯未受命天下歌桃李子文皇未
受命天下歌秦王破陳樂則天未受命天下歌娥媚
娘皇后未受命天下歌柔條韋上系條韋歌十二
篇請編諸樂府皇后下祀先蠶則奏之帝悅許州參軍
燕欽融上言皇后淫亂干預國政宗楚客圖危社稷
帝面詰之欽融抗言不撓楚客矯制撲殺之帝意快
快由是后及其黨始懼恐事泄帝女安樂公主亦欲
后臨朝以已為皇太女乃相與合謀於景龍四年庚
戌六月因餅中進毒帝遂崩於神龍殿

彈詞註卷七

无

徵未里歌有桑條韋也女條韋也樂許
州屬開封府神龍殿在西南府城內

相王子李三郎興兵討亂

相王即豫王且先武后立為皇嗣中宗復佐封豫王
為安國相王三郎名隆基相王第三子討亂註見

下相州名今
河南彰德府

斬元兇誅惡黨貶降奸臣

中宗崩韋后令上官昭容草遺制立温王重茂為帝
皇后攝政改元景隆諸韋勸后以韋氏子弟領南此
軍宗楚客說后宜革唐命謀害少帝又忌相王及太
平公主密與韋温安樂公主謀去之適相王子臨淄
王隆基罷潯州別駕在京師密謀匡復會兵部侍郎
崔日用以楚客謀告陸基陸基乃與太平公主夜前
朝邑尉劉幽求等謀先事誅之微服入苑中逮夜天
星散落如雪幽求曰天意如此時不可失於是果殺
葛福順直入羽林管斬諸韋典兵者以狗曰韋后醜
敷先帝今夕當共誅之立相王以安天下羽林士皆
欣然聽命隆基勒兵入元武門斬韋后安樂公主武
延秀上官昭容比曉乃迎相王入輔少帝閉城門收

捕諸韋親黨及宗楚客張嘉福葉靜能等誅之者韋
襦裸兒無免者武氏宗屬亦誅寃殆盡宰相蕭至忠
等皆取官降秩有差温縣名屠懷慶府
臨淄縣名屠青州府朝邑今西安府同州

唐睿宗乘機會再登宸極

相王旦中宗之弟初武后立以為帝尋廢之至是劉
幽求請早即位遂以少帝制傳位相王時少帝猶在
御座太平公主進曰此非兒座遂提下
之相王即位是為睿宗立隆基為太子

太平主倚親妹復逞兇心

太平公主帝妹也以與太子共誅韋氏有功益為尊
重帝嘗與議政宰相進退繫其一言權傾人主其門
如市公主初以太子年少頗易之既而憚其英武數
為流言云太子非長不可立每規伺其所為纖悉必
聞於帝與益州長史竇懷貞結
黨以危太子益州今成都府

坐朝堂剛三載青官禪位

帝在位三年後傳位太子太子固辭帝曰汝為孝子
何必拒前然後即位太子乃嗣位是為元宗明皇帝

彈詞註卷七

三

尊帝為
太上皇

鋤太平竄崔湜女禍纔清

太平公主依上皇之勢擅權用事宰相七人五出其
門文武之臣大半附之與僕射竇懷貞侍中岑羲中
書令崔湜蕭至忠等謀廢立荆州長史崔日用入奏
事言於帝曰太平謀逆有日萬一奸宄得志悔之何
及帝曰恐驚動太皇日用曰請先定北軍後收逆黨
則不驚上皇矣帝乃與岐王範薛王業郭元振及內
忠義殺之懷貞自縊死太平百餘人入南山三日乃
出賜死於家崔湜盧藏用俱坐私侍公主長流嶺南
尋以湜與逆謀追賜死岐薛二州名岐今鳳翔府

唐明皇勤國政開元大治

帝即位改元開元開元之初帝
勤於國政勵精圖治幾致太平

相姚崇任宋璟四海平寧

姚崇本名元之因避開元尊號復名崇帝以崇為崇
微令後崇薦廣州都督宋璟自代崇善應變璟善守

法二人志操不同然協心輔佐四海平寧唐世賢相
前稱房杜後稱姚宋他人莫得比焉姚崇始名元
崇以與突厥叱刺同名文武后時以字行更名元之
後又更名崇映石人謚文獻宋璟字廣平南和人

長祧被花萼樓鶴鶻敦誼

宋王成器申王成義帝兄也岐王範薛王業帝弟也
幽王守禮帝從兄也帝素友愛初即位為長祧大被
與兄弟同寢聽朝罷多從諸王遊又於宮西南置樓
西曰花萼相輝南曰勤政務本遊或登樓聞王奏樂
則召升樓同宴或幸其所居賞賚優渥時有鶴鶻千
數集麟德殿廷樹翔棲淡日魏光乘作頌以為天子
友悌之祥花萼勤政
二樓在西安府治東南

選名臣為刺史民瘼留神

帝留心民瘼制選臺閣名臣出為諸州刺史後帝自
選諸司官長有聲望者十一人為刺史命宰相百官
餞於洛濱供張甚盛
自書十韻詩賜之

天寶後養奸邪荒於政事

開元二十九年後改元天寶帝在位歲久漸恣奢欲
怠於政事罷丞相張九齡等而更用李林甫牛仙客
陳希烈等又楊國忠安祿山等
一班奸邪蔽主亂政不可勝言

寵楊妃成女禍敗壞彝倫

帝武惠妃薨後宮無當意者或言惠妃子壽王妃美
帝見而悅之乃令妃自以其意乞為女官號太真更
為壽王娶郎將韋昭訓女為妃潛內太真宮中寵遇
如惠妃遂冊為貴妃自是穢德亂政不十年而天下
亂矣

洗兒會費金錢昭陽粉黛

營州禱胡安祿山姓康氏初名阿孽山母再適安氏
冒其姓後部落破散遂逃依張守珪養以為子後為
平盧討擊使性狡黠善巧事人帝左右至平盧者祿
山皆厚賂之爭譽其賢累遷平盧范陽河東節度使
每入朝寵待甚厚謁見無時命楊錡姊妹皆與祿山
叙兄弟因得出入禁中遂請為貴妃兒祿山生日帝
及貴妃賜予甚厚速三日召入禁中貴妃以錦繡為
大襪祿襄之使宮人以線輿昇之帝聞後宮喧笑問

彈詞註卷七

三

故左右以貴妃洗綵兒對帝自往觀之賜貴妃洗兒
金銀錢盡歡而罷自是祿山出入宮掖通宵不出頗
有醜聲帝亦不疑妃姊三人並承恩澤封為韓虢秦
國夫人歲給錢千貫為脂粉之資杜甫詩曰虢國夫
人承寵恩平明騎馬入宮門却嫌脂粉污顏色淡掃
蛾眉朝至尊又詩曰昭陽殿裏恩愛絕營州今昌黎縣平盧今
貴妃也長恨歌曰迴眸一笑百媚生六宮粉黛亡顏
色又曰昭陽殿裏恩愛絕營州今昌黎縣平盧今
永平府范陽今順天府河東南平陽府韓魏秦三州
名韓今洛州襄垣縣號今河南府陝州杜陵秦昌府
杜甫字子美其先襄陽人徙河南後徙杜陵肅宗拜
為右拾遺後嚴武表為參謀檢校工部員外郎世號
詩史

荔枝香明駝進踐走紅塵

貴妃喜食生荔枝歲命嶺南馳驛遞之嶺南產一種
核最小者味尤美謂之香荔枝帝幸驪山貴妃生日
命小部張樂長生殿因奏新曲未有名會南方進荔
枝遂名曲曰荔枝香駝臥腹不帖地屈足漏明則走
千里故曰明駝木蘭辭曰願借明駝千里足唐明則
置有明駝使非邊塞軍機不得擅發楊妃私發明駝

驢詞註卷七

至

使賜安祿山荔枝杜牧詩曰一騎紅塵妃子笑無人
知是荔枝來杜牧字牧之詩情豪邁人號小杜以
甫別社

李林甫擅朝權傾危國勢

初帝欲相李林甫問於張九齡九齡曰宰相繫國安
危若用林甫恐異日為宗社之憂帝不從晚年自時
承平以為天下無復可憂深居禁中以聲色自娛悉
委政於林甫林甫曰短九齡於帝及九齡既罷林甫
欲蔽主擅權明謂諸諫官曰明主在上將順不暇烏
用多言諸君不見立仗馬乎食三品料一鳴輒去悔
之何及自是諫爭路絕林甫城府深密好以甘言啗
人而陰中傷之不露辭色世謂其口有蜜腹有劍欲
盡除不附己者知吉溫羅希奭為吏深刻引為殿中
侍御史隨林甫所欲深淺錮鍊成獄時不能脫者時
謂之羅錮吉網帝賜林甫爵晉公或獄時不視朝百司
悉集林甫門第臺省為空屢起大獄誅逐貴臣皇大
子以下畏之側足凡在相位一十
九年養成天下之亂帝不之寤也

安祿山范陽反曳落河兵

唐興以來邊帥皆用中原名臣功名著者往往入為宰相李林甫欲杜邊帥入相之路奏言文臣為將怯不若用寒族胡人胡人則習戰寒族則無黨帝悅其言諸道節度使盡用胡人精兵咸戍北邊故用安祿山由平盧累遷專制三道祿山知中國武備盡弛陰蓄異志殆將十年以帝待之厚欲俟帝晏駕然後作亂會國忠屢言祿山且反數以事激之祿山由是決意遽反適有奏事官自京師還祿山詐為敕書示諸將曰有密旨令祿山將兵入朝討楊國忠眾愕然於是發所部兵反於范陽初祿山養同羅奚契丹降者八千餘人謂之曳落河曳落河者胡言壯士也皆驍勇善戰一可當百明皇分天下為十五道三道平盧范陽河東也同羅北邊種名奚契丹東胡種名

顏平原連主盟二十四郡

平原太守顏真卿先知祿山且反因淋雨完城浚濠料丁壯實倉廩祿山以其書生易之及反牒真卿將兵防河津真卿遣平原司兵李平問道奏之上始聞河北郡縣皆從賊歎曰二十四郡曾無一人義士耶及平至大喜曰朕不識顏真卿作何狀乃能如是真卿召募勇士旬日至萬餘人論以舉兵討賊士皆感

彈詞註卷上

重

憤由是諸郡多應之共推真卿為盟主軍事皆稟焉北一道領二十四郡真卿字清臣封魯國公謚文忠

哥舒翰哭出關陷了神京

帝以哥舒翰為兵馬副元帥軍於潼關或說楊國忠曰朝廷重兵盡在翰手翰若援旗西指於公豈不危哉國忠懼會有告祿山將崔乾佑在陝兵弱無備帝趣翰進兵翰奏曰祿山久習用兵是必羸師誘我若往正墮其計且諸軍徵兵尚多未集請且待之郭子儀李光弼亦請引兵取范陽覆其巢穴潼關大軍惟應固守以敵之國忠疑翰謀已謂翰逗留帝遣中使趣之項背相望翰不得已撫膺痛哭引兵出遇賊於靈寶西原乾祐據險乘高下木石擊殺甚眾官兵大敗翰獨與百餘騎走入關墮祐進攻潼關克之蕃將火拔歸仁等執翰以降翰麾下帝告皇孫及親近宦官官人出延秋門奔蜀賊將孫孝哲遂進陷西京陝州名靈寶西原今河南府陝州靈寶縣高平縣之地曰原潼關在西安府華陰縣東蜀今成都府西京即長安

戰抖擻馬嵬坡玉環殞碎

帝初出奔命龍武大將軍陳元禮整六軍從之明日
至馬嵬驛將士饑疲皆憤怒禮以禍由楊國忠欲
誅之會吐蕃使者二十餘人遮國忠馬訴以無食軍
士呼曰國忠與胡虜謀令收隊軍士不願帝使高力
人帝聞謫譁出門勞慰令收隊軍士不願帝使高力
士問之元禮曰國忠謀反貴妃不宜供奉願陛下割
恩正法帝曰貴妃常居深宮安知國忠反謀力士曰
貴妃誠無罪然將士已殺國忠而貴妃在陛下左右
豈敢自安願陛下審思之將士安則陛下安矣帝乃
命力士引貴妃於佛堂以羅巾縊殺之輿尸置驛庭
召元禮等入視之乃釋甲謝罪軍士皆呼萬歲始整
部伍為行計國忠妻子及虢國夫人走陳倉縣令薛
景僊誅之馬嵬驛在咸陽西今西安與詩曰若逢
山下五環子繫羅衣玉環楊妃李暹字也六軍萬二千
五百人為軍禁旅之名謂左右羽林左右龍武左右
神武也吐蕃西羌種名

險滴溜連雲棧曲寫淋鈴

帝幸蜀謂張野狐曰此去劍門鳥啼花落水綠山青
無非助朕之悲悼耳入陝斜谷屬霖雨彌旬於棧道
中聞鈴聲與雨相應帝既悼貴妃因採其聲為雨淋
鈴曲以寄恨連雲棧在褒城縣斜谷在郿縣西南
三十里谷之南口曰褒北口曰斜連雲棧在褒斜中
即張良說高祖燒絕處有棧閣二千九百八十九間
唐人詩梁川秦嶺西棧道與雲齊

劈鈿合與金釵鴻都道士

初貴妃入宮帝賜以金釵鈿合及妃死帝自蜀歸為
上皇惟妃是念有鴻都道士自蜀來言有李少君之
術帝大喜道士乃竭其術以索之至於蓬島高山上
署曰玉妃太真院道士扣扉道所從來太真出門皇
帝安否次問天寶十四載已還事言訖憫然取金釵
鈿合各劈其半授之曰為謝上皇謹獻是物尋舊好
也道士歸奏之帝益嗟悼不已

楊柳眉芙蓉面長憾歌聞

元和小白居易作長恨歌紀貴妃始末畧曰馬嵬山
下土泥中不見玉顏空死處君臣相顧盡沾衣東望

彈詞註卷七

音

都門信馬歸歸來池苑皆依舊太液芙蓉未央柳芙蓉如面柳如眉對此如何不淚垂云云白居易字樂天其先太原人賤江州司馬自曰風月主人居東都號醉吟先生居香山稱香山居士贈右僕射謚曰文

空記憶忠良言曲江先見

開元中安祿山討奚契丹敗績張守珪奏請斬之帝惜其才敕令免官以白衣將領張九齡固爭曰失律喪師不可不誅且祿山狼子野心觀其勦有反相不殺必為後患帝曰卿勿以王夸甫識石勒枉害忠良竟赦之至是帝在蜀思九齡先見為之流涕遣中使至曲江祭之厚恤其家張九齡字子壽追封始興伯謚文獻父為廣東韶州別駕因家曲江廣輿記曰非韶州曲江今為南雄之始興宅址尚在

辜負了梨園子凝碧號聲

帝精曉音律初置左右教坊選樂工宮女數百人自教法曲於梨園謂之皇帝梨園子弟及長安陷祿山搜捕俱送洛陽寔其羣臣於凝碧池梨園子弟戲欲泣下賊皆露刃睨之樂工雷海清不勝悲憤擲樂器

彈詞註卷七

五

於地西向痛哭祿山怒支解之疑碧池在西安府城東南四十里唐禁苑中

唐肅宗自靈武從權受命

明皇初立子忠王璣為皇太子改名亨至是明皇發馬嵬父老遮道請留帝命太子宣慰之父老曰至尊既不肯留其等願帥子弟從殿下東取長安太子不可子建寧王倓等執鞶諫曰四海分崩不因人情何以興復殿下不如收兵西北克復二京以迎至尊乃使倓馳白帝帝曰天也命分後軍二千入從太子又宣旨欲傳位太子太子不受遂留馳至平涼朔方留後杜鴻漸等迎之遂至靈武河西司馬裴冕與鴻漸等請尊馬嵬之命不許賤五上乃許之遂即位於靈武是為肅宗尊帝為上皇天帝建寧郡名今雲南府廣平平涼皆府名朔方今陝西寧夏衛靈武故城在寧夏衛城南河西今甘肅鎮是鴻漸字子異

借番兵回紇國掃蕩氛

帝雖用朔方之眾欲借兵於外夸以張軍勢以燬虜王承家與僕固懷恩使回紇請兵回紇懷仁可汗遣

子葉護將兵至鳳翔帝使廣平王儼及郭子儀等進
復長安陳於香積寺北澧水之東賊將十萬陳於其
北李嗣業身先士卒所向摧靡賊伏精騎於陳東欲
襲官軍僕固懷恩引回紇就擊盡殺之嗣業又與回
紇出賊陳後與大軍夾擊賊大潰其將安守忠等夜
遁大軍遂入西京守忠等走保陝安祿山子慶緒悉
發洛陽兵就守忠等步騎猶十五萬子儀等與賊遇
於新店回紇自南山襲其背於黃埃中發十餘矢賊
驚顛曰回紇至矣遂潰懷恩等分道追之慶緒帥其
黨走河北官軍遂入東京 回紇單于別種鳳翔府
名山在河南府城西南三十里漢服虔謂南山伊闕
是也俗名龍門山
東京今河南府

任李郭奮于戈重興社稷

初安祿山反明皇以郭子儀為朔方節度使李光弼
時為子儀兵馬使後子儀薦光弼以為河東節度使
及帝即位靈武子儀光弼將兵五萬自河北至靈武
人始有興復之望帝以子儀為靈武長史光弼為此
都留守身經百戰克復兩京勦除安史皆二公力也
後子儀爵汾陽王光弼臨淮王 汾陽縣名屬汾州

彈詞莊卷七

五

府子儀華州鄭人賜號尚父
謚武忠光弼柳州人謚武穆

賴巡遠保江淮死捍朝廷

貞源令張巡起兵雍邱討賊大敗之於寧陵與賊將
楊朝宗戰復大破之救以巡為河南節度使副使會
賊將尹子奇寇睢陽睢陽太守許遠告急巡自寧陵
赴之賊悉眾逼城巡督勵將士晝夜苦戰遠謂巡曰
遠橋不善用兵公智勇兼濟遠請為公守請公為遠
戰自是遠但調軍糧修戰具戰鬪籌畫一出於巡
屢與子奇戰敗之巡修南霽雲射子奇中其左目幾
獲之賊乃遁旋復徵兵數萬攻睢陽城中食盡饋救
不至士卒消耗至千六百人皆病不堪鬪遠為所圍
巡乃修守具使霽雲告急於臨淮賀蘭進明進明擁
眾不救霽雲密落一指以示進明曰霽雲欲棄城東
將之意請留一指以信賊圍益急議者欲棄城東
走巡遠謀曰睢陽江淮之保障若棄之去賊必乘勝
長驅是無江淮也且我眾饑羸走必不達不如堅守
時城中將士人粟米日一合糲以茶紙樹皮為食茶
紙既盡遂食馬盡羅雀掘鼠雀鼠又盡巡出愛妾
殺以食士賊登城將士病不能戰巡西向再拜曰臣
力竭矣生既無以報陛下死當為厲鬼以殺賊賊遂

陷巡遠俱被執子奇問曰聞君每戰皆裂齒碎何也
巡曰吾志吞逆賊但力不能耳子奇以刀扶其口視
之其餘纜三四并巡將南霽雲雷萬春等三十六人
皆被殺巡死顏色不亂致遠於洛陽遠亦死於偃師
真源今省入歸德府鹿邑縣雍邱今開封府杞縣
寧陵縣屬開封府睢陽今歸德府臨淮今省入鳳陽
府泗州偃師縣名屬河南府張巡
南陽人許遠新城人霧雲頓邱人

彭原驛忘軍旅嬌妻博戲

帝妃張良娣性巧慧能得帝意時帝在靈武李泌勸
幸彭原俊西北兵至進幸扶風以應之帝從之至彭
原厓合隘狹帝與良娣博打子聲聞於外泌言諸軍
奏報停壅帝乃潛刻乾樹雞爲子不從有聲范氏曰
與皇播遷宗社焚毀邱墟而肅宗於鞏荒氏曰
州扶風今鳳翔府良娣女官名樹雞即木耳
樹朽則生乾則稍堅刻以爲棋擲之不響

興慶宮感讒佞老父傷心

帝立張良娣爲皇后以宦者李輔國兼太僕卿后與
輔國相表裏干預朝政自兩京收復迎上皇還西京

彈詞卷七

七

上皇愛興慶宮移居之多御長慶樓父老過者往往
瞻拜呼萬歲又常召將軍郭英又等士樓賜宴輔國
言於帝曰上皇居興慶宮日與外人交陳元禮高力
士謀不利於陛下今仁皇帝將士盡靈武勲臣皆反
不安帝泣曰聖皇慈仁豈容有此對曰上皇無此意
其如羣小何帝泣不應會帝不豫輔國與張后謀矯
稱帝語迎上皇遊西內輔國將射生五百騎露刃遮
道奏曰皇帝以興慶宮湫隘迎上皇遷居西內上皇
驚幾墜馬遂如西內侍衛兵纔厓老數十人元禮力
士皆不得留左右輔國稷何懼也上皇服請罪帝曰
卿等防微杜漸以安社稷何懼也上皇服請罪帝曰
擇因不茹葷辟穀浸以成疾興慶宮元宗所建在
西安府治東南五里唐南內也至德中
擇善騎射者千人爲射生手號英武軍

張皇后阻朝參離其父子

帝脅於張后不敢朝忝上皇但遣人起居山人李唐
見帝帝方抱幼女謂唐曰朕念之卿勿怪也唐曰太
上皇思見陛下計亦如陛下之念公主
也帝泣然泣下然畏張后不敢詣西內

李輔國害中宮惡報相尋

初張后與輔國表裏用事晚更有隙帝疾篤后召趙王係選宦官授甲以誅輔國內射生使程元振黨於輔國知其謀告之輔國勒兵遷后於別殿明日帝崩輔國遂殺后及係

唐代宗經離亂老於軍旅

初肅宗至靈武以子廣平王俶為天下兵馬元帥廣平王日與郭子儀等身經戰陣收復兩京後遂立為太子更名豫至是即位是為代宗

仗賢能憑武勇僂力成功

帝賴李泌郭子儀等同心協力故太原捷河東平兩京復奄有河北迎復上皇以成其功

下馬拜葉護函華夸手額

初肅宗借兵回紇欲速得京師與回紇約曰克城之日土地庶歸唐金帛子女歸回紇及克兩京回紇葉護欲如約帝時為廣平王兼天下兵馬元帥乃拜於葉護馬前曰今始得西京若遽俘掠則東京之人皆為賊因守不可復取矣願至東京乃如約葉護驚躍下馬答拜曰當為殿下徑往東京軍民胡虜見廣

彈詞註卷七

夫

平王拜者皆泣曰廣平王真華夸之主肅宗聞之曰朕不及也回紇俗號太子曰葉護

割三鎮授賊徒僕固懷恩

帝以僕固懷恩有平河朔功以為河北副元帥賊將李懷仙殺史思明子朝義取其首獻懷恩以降薛嵩田承嗣亦降嵩等迎懷恩拜於馬首乞行間自效懷恩亦恐賊平寵衰遂奏以薛嵩為相衛邢洛貝磁六州節度使承嗣為魏博德滄瀛五州都防禦使懷仙仍故地為盧龍節度使分帥河北與三鎮自為黨援朝廷亦厭苦兵革苟冀無事因而授之順德府洛州今廣平府貝州屬廣平府磁州屬彰德府魏今大名府博今東昌府德州屬濟南府滄州瀛州今河間府盧龍今永平府

痛愛弟死無辜懷讐父母

初肅宗在靈武時李輔國險狡陰附於張良娣帝弟建寧王倓數於肅宗前訟許二人罪惡二人遂譖於肅宗曰倓恨不得為元帥將謀害廣平王肅宗怒賜倓死時帝即謀去良娣二人李泌曰王不見建寧之

禍乎但盡入子之孝良婦人
委曲順之亦何能為帝恨而止

寵凶閹能假手進爵功臣

張后欲誅李輔國謀泄輔國遣使者逼后下殿幽而殺之帝懷后殺建寧之讐而德輔國殺后之功益加尊寵進輔國爵博陸王博陸今平陽府平陸縣

回轉意惡專權芟其首臂

李輔國恃功益橫明謂帝曰大家但居禁中外事聽老如處分帝內不能平又以輔國有殺張后之功不從顯誅之夜遣盜入其室竊輔國首及一臂而去仍赦有司捕盜遣中使存問其家

二三心無主宰不算賢君

過委靡欠剛明宦官用事

帝明不足以燭理武不足以決疑威權例置委靡莫振寵用宦官蒙蔽日深

魚朝恩程元振先後馮馮陵

彈詞註卷七

无

帝以宦官魚朝恩為天下觀軍容宣慰處置使總禁兵朝恩脅制朝野專權擅攻每奏事以必允為期朝廷政事有不預者輒怒曰天下事有不由我者耶先是宦者程元振帝以為驃騎大將軍元振專權自恣人畏之甚於李輔國諸將有大功者皆忌嫉害之吐蕃入寇元振不奏致帝狼狽出奔及詔徵諸道兵李光弼等皆忌元振莫有至者

吐蕃來幸陝州四方俱叛

吐蕃入寇盡取河西隴右之地邊將告急程元振皆不以聞虜至涇州刺史高郢叛降為鄉導邠州至奉天武功京師震駭詔以雍王适為關內元帥郭子儀為副元帥出鎮咸陽以禦之子儀開廢日久郭曲離散至是召募得二十騎而行至咸陽吐蕃二十餘萬眾渡渭循山而東子儀奏請益兵吐蕃遂入長安渡便橋帝倉猝不知所為出幸陝州吐蕃遂入長安子儀引三十騎自御宿川而東收兵商州諸將聞子儀至皆聽命子儀使將軍長孫全緒將二百騎出藍田書則擊鼓張旗熾夜則燃火以疑吐蕃百姓給之曰郭令公自商州將大軍至矣吐蕃遁去初帝至陝柳伉疏曰吐蕃犯關無人力戰此將帥叛也疏元功

委近習無人犯顏此公卿叛也出都百結奪府庫此
三輔叛也召兵無隻輪入關此四方叛也涇州屬
平涼府邠州屬西安府奉天今乾州武功咸陽皆縣
名商州藍田俱屬西安府便橋長安北西門曰便
門漢武帝於此作橋跨渭水以趨茂陵其橋與便門
相對因曰便橋長三百八十步又名渭橋御宿川在
西安府城西南四十二里一
名華嚴川陝州屬河南府

賴汾陽身餌虜挽轉乾坤

僕固懷恩初為郭子儀前鋒以功為河北副元帥至
是反誘回紇吐蕃等數十萬入寇又以朔方兵繼之
京城大震徵兵諸道多不應帝召子儀使屯涇陽吐
蕃等合兵圍之會懷恩中途暴疾死二寇聞懷恩死
爭長不相睦子儀使牙朔李光瓚說回紇欲與共擊
吐蕃回紇不信曰郭公在此可得見乎子儀曰今眾
寡不敵昔與回紇契約甚厚不若挺身子說之諸將請
選鐵騎五百衛從子儀曰適足為害耳郭晞諫曰大
人國之元帥奈何以身為虜餌子儀曰今戰則父子
俱死而國家危往以至誠與之言從則四海之福遂
與數騎出使人傳呼曰令公來回紇大驚其大帥藥
葛羅執弓注矢立於陳前子儀免胄釋甲投鎗而進

彈詞註卷七

四

諸長相顧曰是也皆下馬羅拜子儀亦下馬前執藥
葛羅手議之曰汝回紇有大功於唐唐之報汝亦不
薄奈何負約深入吾地棄前功而助叛臣乎藥葛羅
曰懷恩言天可汗已宴駕令公亦捐館我是以來今
皆不然懷恩又為天所殺我曹豈肯與公戰乎
儀說之曰吐蕃所掠之財不可勝載此天賜汝也全
師而繼好破敵以取富為汝之計孰便於此藥葛羅
曰吾為懷恩所誤負公誠深今請盡力擊吐蕃以謝
過子儀因取酒與其長共飲藥葛羅因與子儀共執
酒為誓諸長喜曰軍中言此行安穩不與唐戰見
一大人而還今果然矣遂定約而還吐
蕃聞之夜遁涇陽縣名屬西安府

置高座講仁王僧尼受寵

內出仁王經二寶輿以人為菩薩鬼神之狀導以音
樂鹵簿百官迎從至資聖西明寺置百高座講之魚
朝恩作章敬寺帝幸之度僧千人帝常於禁中飯僧
百餘人有寇至則令僧講仁王經以禳之胡僧不空
官至卿監爵為國公出入禁闥勢移權貴良田美利
多歸僧寺鹵簿車馬幸輿儀仗雙之次皆著
也以甲為之所以捍敵者甲楯部伍之次皆著
之簿籍一書曰鹵音鑪謂鑪香導引儀衛耳

任軍中立節度藩鎮繁興

山南東節度使來瑱死軍中推梁崇義為帥帝不能討因詔以崇義為節度留後平盧將李懷玉逐其節度使侯希逸軍中秦懷玉為帥帝遂詔以懷玉為節度使留後賜名正己幽州將朱希彩殺其節度使李懷德帝遂詔以希彩權知留後盧龍孔目官殺希彩經略副使朱泚弟滔潛使人於眾中大言曰節度使非朱副使不可眾從之泚遂權知留後帝即詔以泚為節度使淮西將李希烈逐其節度使時諸節度使以希烈為留後尋命為淮西節度使薛平盧龍李懷仙收安史餘黨各擁勁卒數萬自署將吏不供貢賦與山南東道梁崇義及李正己皆結為婚姻互相表裏帝專事姑息遂殺節度者命知留後權知留後者即為節度藩鎮遂強悍不能復制山南東今襄陽府淮西今河南府成德今真定府魏今大名府相衛今彰德府盧龍今永平府盧龍縣俱鎮名成德領常冀深趙四州魏博領貝魏博相磁洛衛七州盧龍領幽涿營瀛莫平薊媯檀九州

唐德宗振紀綱厲精思治

彈詞註卷七

五

代宗崩太子適即位是為德宗帝初甚清明振飭紀綱典利剔弊矯代宗之失懲宦官之蠹天下以為太平之治可望

削煩苛罷貢獻美政宣行

帝罷梨園罷客省罷雜酒一切煩苛盡削除之又詔罷四方貢獻時澤州上慶雲圖帝曰朕以時和年豐為嘉祥以進賢顯忠為祥瑞如慶雲芝草珍禽奇獸曰益於人自今有此毋得獻初外國累獻馴象帝曰象費麥養而違物性命縱之又以內莊宅官租充軍儲出官女數百入種種美政中外皆悅淄青軍士至投兵相顧曰明主出矣吾屬猶反乎澤州屬山西淄今濟南府青州今青州府

不旋踵用奸臣掙剋聚斂

時盧杞為相因兩河用兵月費錢百三十餘萬緡常賦不供遂增商稅為什一詔各道稅錢每千增二百又用太常博士韋都實陳京判度支趙贊等議掙剋聚斂民力始竭

括商錢稅間架苦害生靈

韋都賓陳京請括富商錢出萬緡者借其餘以供軍
又括餼櫃質錢凡蓄積錢帛粟米者皆借四分之一
封其櫃窖百姓爲之罷市趙贊奏行間祭稅每屋兩
架爲間上屋稅錢二千中稅千下稅五百於是愁怨
之聲盈於遠近

朱泚反懷光叛鑾輿兩播

平盧節度使李希烈反寇襄陽帝詔發涇原等兵
之涇原節度使姚令言將兵過京師軍中莫得厚賜
既至無所賜發至澆水因揚言曰瓊林大搗師惟獨食
某饑衆怒蹴而覆之因擐甲張旗鼓譟還取京城帝
盈溢命賜帛人二匹人益怒射中使殺之遂入城帝
遽命賜帛人二匹人益怒射中使殺之遂入城帝
禁兵禦賊竟無一人至者乃與太子諸妃及諸王公
主自苑北門出賊登舍元殿第請相與亂兵謀曰遣騎
迎朱泚入宮自稱權關六軍帝遂幸奉天此僭號稱
大秦皇帝自將兵犯奉天朔方節度使李懷光遂帥
衆赴長安李晟亦引兵出飛狐道入援數破泚兵時
泚圍奉天經月城中資糧俱盡泚百道攻城惟金吾
大將軍渾瑊隨方禦之而士卒凍餒乏乏甲冑城每

彈詞註卷七

望

論之激以忠義皆鼓謀力戰賊乃引退懷光亦敗泚
於醴泉泚遁歸長安衆以爲懷光三日不至則城不
守矣懷光素與人言盧杞趙贊等好佞且曰吾見上
當請誅之杞聞而懼言於帝曰懷光勲業社稷是賴
若使乘勝取長安則一舉而泚滅帝遂詔懷光屯
便橋與李晟刻期共取長安懷光以數千里赴難
飛尺不得見天子意怏怏曰吾爲奸臣所排事可知
矣頓兵不進遂有異志帝欲親總禁兵幸咸陽趣諸
將討泚或謂懷光曰此漢祖遊雲夢之策也懷光大
懼反謀益甚遂潛與朱泚通謀時李建徽揚惠元懷
懷光聯營懷光襲之奪其軍遂反城請帝原令涼府
光遣將趣南山遯車駕不及而還涇原今平涼府
水北流入霸水含元殿在西安府東北唐大明宮內
殿之北奉天今西安府乾州飛狐今大同府
廣昌縣醴泉縣名屬西安府梁州今漢中府

賴興元罪已詔收轉人心

帝改元興元初考功郎中陸贄言於帝曰昔成湯以
罪已勃興楚昭以善言復國陛下誠能不吝改過以
謝天下使書詔之辭無所避忌則反側自革心田悅
帝然之乃大赦下詔罪已四方大悅王武俊田悅李

納皆去王號上表謝罪後李抱真入朝為帝言山東
宣布赦書士卒皆感泣臣見人情如此知賊不足平
也

天生下李令公為唐社稷

李懷光朱泚皆反帝加神策行營節度使李晟為諸
道副元帥以討賊初懷光以晟軍浸盛欲引軍襲之
三令其眾眾不應懷光內憂麾下為變外懼晟襲之
遂奔河中晟大陳兵門外收復京城賊驛潭城等刻期
集城下移軍於光泰門外晟使兵馬使李演王必將
騎兵史萬頃將步兵直抵苑牆晟先開墻二百餘步
賊柵斷之晟怒欲斬萬頃等萬頃拔柵而入必演繼
之賊眾大潰諸軍分道並入泚乃與姚令言帥餘眾
西走遂復京城潭城等亦克咸陽後泚將韓旻斬泚
以降晟祗掌書記于吳作露布上行于臣曰臣已肅
清宮禁祗調寢園鐘簾不移廟貌如故帝覽之泣下
曰天生李晟以為社稷非為朕也李晟為中書令
故稱令公河中今平陽府蒲州行在天子行曰乘輿
止曰行在李晟字良器洮州臨潭人封西平郡王渾
瑊蘭州人本鐵勒王公吳人

彈詞社卷七

望

更賴著陸敬輿奏議詳明

帝初在東宮聞諫察御史陸贄名及即位召為翰林
學士數問以得失凡鑿輿兩播贄俱侍左右帝有大
事贄盡心條畫有微失即竭誠規諫疏議奏對剴切
詳明帝頗采用其言卒能收人心而安社稷焉今有
陸宣公奏疏傳世 陸贄
字敬輿嘉興人謚曰宣

忽書生能料敵平涼盟劫

吐蕃尚結贊求和於副元帥節度使馬燧燧為之請
於朝帝許盟於平涼以裨瑊為會盟使瑊發長安李
晟深戒之平章張延賞與晟有隙言於帝曰晟不欲
盟好由成帝召瑊切實以推誠待虜勿為猜疑我矣
吐蕃決以辛未盟延賞集百官以瑊表示之疑瑊奏
尉謂和好必不成今盟日定矣晟泣曰吾生長西郵
備諸虜情所以論奏但取朝廷為吐蕃所侮耳帝始
於駭西遊環亦遣五百騎伏其側幸未將盟吐蕃伏
於營西遊環亦遣五百騎伏其側幸未將盟吐蕃伏
精騎數萬於壇西瑊入幕易禮服吐蕃伐鼓三聲伏
謀而至瑊自幕後出獨得他馬乘之吐蕃縱兵追擊

信讒說疑馬李猜忌功臣

唐將卒死者數百人元光發伏成陳以待之虜騎乃還是日帝謂諸相曰今日和戎息兵社稷之福越曰然平章柳渾曰吐蕃豺狼也今日之事臣切憂之晟曰誠如渾言帝變色曰柳渾書生不知邊計大臣亦為此言耶是夕遊環表言渾涼書生不知邊計大臣亦卿書生乃能料敵如此其審耶平涼府大驚謂渾曰潘原唐縣名故址在平涼縣境內洛口莫詳處所馬燧字洵美封比平郡王謚莊武柳渾字夷曠襄人

初尚結贊曰唐之良將李晟馬燧渾瑊而已去三人唐可圖也乃入鳳翔境禁捕掠以兵直抵城下曰李令公召我何不出犒我經宿而還又因馬燧以求和欲執渾瑊以賣燧使并獲罪會盟劫瑊走免獲燧之姪弁謂曰胡以馬為命吾在河曲春草未生馬不能舉足當是時馬侍中攸其掩之吾全軍沒矣今蒙珍等歸帝聞之遂惡燧帝忌晟功名會吐蕃又有離間之言張延賞騰諂於朝晟聞之晝夜泣目為之腫入朝稱疾帝加晟太尉罷鎮時帝以李泌同平章事泌初視事與晟燧俱入見泌曰願陛下勿害功臣李晟馬燧有大功於國聞有讒之者陛下萬一害之則宿

彈詞註卷七

焉

衛之士方鎮之臣無不憤惋反仄矣陛下誠不以功大而忌之二臣不以位高而自疑則天下永保無事帝然之晟燧皆起泣謝河曲河西九曲本西戎地河千里而一曲

纔安定置瓊林收藏寶貨

初帝幸奉天朱泚始解圍帝於行宮廡下貯諸道貢獻之物榜曰瓊林大盈

稅茶鹽權酒酤百孔俱興

帝初稅茶九州縣產茶及茶山外要路皆估其直什稅一鹽每斗詔增價百錢復權天下酒以崔造判工戶部造與侍郎元誘善使判諸道鹽鐵權酒百孔俱興

德宗老賴鄴侯黃臺免摘

鄴國大長公主肅宗女也女為太子妃公主素不謹或告主淫亂帝幽之禁中太子懼請與妃離婚帝召李泌告之且曰舒王近已長立孝友溫仁泌曰陛下惟有一子奈何欲廢之而立姪且陛下之子猶疑之何有於姪舒王雖孝自今陛下宜努力勿復望其孝矣帝曰卿不愛家放乎泌曰臣若畏陛下威怒而為

曲從陛下明日悔之必尤臣云吾獨任汝為相不力諫使至此必復殺而子臣老矣餘年不足惜若宛殺臣子使臣以姪為嗣臣未知得欲其祀乎因嗚咽流涕帝亦泣曰事已如此奈何必曰陛下不記建寧之事乎帝曰建寧叔實寬肅宗性急故耳必曰臣昔為此故辭歸不幸今日復為陛下相又覩茲事且其時先帝常懷危懼臣臨辭曰因誦黃臺瓜辭肅宗乃悔而泣陛下既知肅宗急而建寧寬願深戒其失從容遷延至明日思之必袖笏叩頭而泣曰陛下還宮當自審思勿露此意於左右露之則太子危矣帝曰具曉卿意聞一日帝獨召必流涕曰非卿勸朕今日悔無及矣太子仁孝實無他也必拜賀初肅宗殺子建寧王俊廣平王俶有大功帝妃張良娣復忌而譖之李泌言於肅宗曰昔天后有四子長曰太子宏天后方圖稱制醜殺之立次子賢賢內憂懼作黃臺瓜辭冀感悟天后天后不聽賢亦廢死其辭曰種瓜黃臺下瓜熟抱蔓歸今陛下已一摘矣慎無再摘肅宗為可四摘抱蔓歸今陛下已一摘矣慎無再摘肅宗愕然曰安有是哉朕當書紳紓州名今安慶府李泌字長源京北人封鄭侯

彈詞詳卷七

聖

唐順宗失音久風病纏身

帝太子誦於貞元二十年九月風疾失音次年正月朔諸王入賀太子疾不能來德宗悲歎得疾崩太子即位是為順宗

八司馬附叔文人情噂囁

初帝在東宮翰林待詔王叔文善蕃帝大愛幸因言某可為相某可為將幸異日用之密結翰林學士韋執誼及朝士有名而求速進者陸淳呂溫李紳儉韓曄韓泰陳諫柳宗元劉禹錫等定為死友而凌準程异等又因其黨以進及帝即位寢疾叔文專權用事韓泰等依附推獎以聽謀議汲汲如狂禁辱進退惟其所欲其門晝夜車馬如市至元和初叔文敗劉禹錫程异陳諫柳宗元韓泰韓曄凌準韋執誼八人皆取為遠州司馬謂之八司馬柳宗元字子厚解人從永州司馬徙柳州刺史與韓愈齊名世號柳柳州字夢得

賴皇嗣早監國得免紛紜

帝久不愈中外共疾叔文用事思早立太子叔文之
黨欲專大權惡聞之宦官俱文珍等咸疾叔文乃啟
上召學士鄭綱入草制時牛昭容輩以廣陵王淳英
睿惡之綱不復請書紙爲立嫡以長子呈帝帝遂立
淳爲太子更名純百官翹太子儀表大喜相賀遂命
太子監國於是邪黨旋皆駭斥人心始安 鄭綱字
明文

唐憲宗登寶位延英議政

順帝傳位於太子自稱太上皇太子純即位是爲憲
宗帝嘗與宰相論治道於延英殿日盱暑甚汗透御
眼宰相求退帝留之曰朕入禁中所處者獨宮人宦
官耳故樂與卿等俱共談爲理之要殊不知倦也

出官人蠲賦稅禁止逢迎

帝以久旱欲降德音李絳白居易欲令以實惠及
人無如減其租稅官人數廣宜簡出之諸道橫歛以
充進奉者宜禁絕之帝悉從之制
下而兩 李絳字深之贊皇人

用非衣制口天削平淮蔡

彈詞註卷七

吳

彰義節度使吳元濟反帝發兵討之元濟求救於李
師道等師道表請赦元濟不許時帝以兵事委平章
武元衡師道遣刺客於暗中刺殺元衡又擊御史中
丞裴度傷其首或請帝罷度官以安賊心帝怒曰若
罷度官是奸謀得成朝廷無復紀綱吾用度一人足
破二賊遂以度爲相度言淮西腹心之疾兩河跋扈
者將視此爲高下不可中止帝然之悉以兵事委度
討賊愈急時李晟子愬爲檢校左散騎常侍帝以愬
爲唐鄧節度使討元濟度言於帝曰元濟勢實窘蹙
但諸將心不一不併力進討賊未降若臣自詣行營
諸將悉臣奪其功必爭逐討賊矣帝乃以度兼彰義
節度使充淮西宣慰招討使元濟將李佑有勇畧愬
誘而擒之待以容禮佑謂愬曰蔡之精兵皆在洄曲
守州城者皆羸卒可以乘虛直抵其城比賊將聞之
元濟已成擒矣愬遂夜引兵出諸將請所之愬曰入
蔡州取吳元濟諸將皆失色望軍哭曰果落李佑奸
計時大風雪人馬凍死至州城四鼓愬至無一人知
畏愬莫敢違行七十里至州城四鼓愬至無一人知
者佑鑿其城以先登壯士從之殺守門卒而留擊柝
者使擊柝如故遂開門納衆雞鳴雪止入居元濟外
宅或告元濟曰官軍至矣元濟起聽於庭聞愬軍號
令曰常侍傳語應者近萬人始怯曰何等常侍能至

於此乃登牙城拒戰想攻之遂執元濟度入城檻元濟送京師斬之後徽宗時欲以度為相李逢吉等惡之以民謠云緋衣小兒坦其腹天上有口被驅逐緋不裴字也腹肚也音近度天上吳字謂吳元濟被度擒也張權輿等因言度名應圖識敬宗察其誣以度為司空同平章事准度西名應圖識敬宗察其誣以皆屬彭義鎮蔡州今汝寧府申州今信陽州光州蔡州光州屬汝寧府唐縣名鄧州名俱屬南陽府

幾聲兒人替歎果斷英能

自德宗以姑息成藩鎮之禍帝獨以法度裁制毅然與師故其討淮西也數年不克有議赦者有勸罷兵者而帝獨用裴度之言逆盜五發而不回高霞寓大敗於鐵城而不挫卒能勦除惡逆向非帝之力於討賊未有不為人情所動搖者故史稱帝剛明果斷足稱中興誠不誣也鐵城惟德安府城北有鐵城山或疑即此

擒劉闢執李錡蕩除猾逆

西川節度使韋臯卒副使劉闢自為留後表請節鉞帝以初嗣立授之闢志益驕求兼領三川帝不許闢

彈詞註卷一

遂反命神策行營節度使高崇文討之崇文進破鹿頭關連戰皆捷遂直指成都擒闢送京師斬之鎮海節度使李錡不自安求入朝帝許之錡實無行意屢遷行期下詔徵之錡遂反帝發諸道兵討之錡遣兵馬使張子良將兵襲遂州行立應之於內遂執錡送行立謀討之三川謂東川西川山南西道鹿頭關在成都府德陽縣北三十里鎮海軍今鎮江府宜州今寧國府

平師道服承宗約束咸遵

李師道為平盧節度使王承宗為成德節度使逆命已久初裴度在淮西右庶子韓愈為行軍司馬布衣相者以策干愈曰元濟既擒王承宗瞻破矣願得奉丞相書往說之二子為質兵獻德棣二州輪租稅請官承宗懼請以二子為質兵獻德棣二州輪租稅請官吏帝許之帝詔諸道兵討師道田宏正將兵渡河逼鄆州師道聞官軍浸逼發民治城塹役及婦人民懼且怨都知兵馬使劉悟將兵屯陽穀以拒官軍務為寬惠軍中號曰劉父師道疑悟收衆心遣使齋帖示之悟即行營副使張暹令斬悟暹素與悟善懷帖示之悟即

宣諭諸將令士卒夜半銜枚至城下城中譟譁動地
子城門已洞開悟捕師道斬之函首送宏正營淄青
悉平自廣德以來垂六十年藩鎮跋扈河南北三十
餘州自除官吏不供貢賦至是盡遵朝廷約束矣
德州名棣今武定州俱屬濟南府鄆州今東平府陽
穀縣名屬兗州府凡大城謂之羅城小城謂之子城
第二重城以衛
居宅謂之牙城

說未了侈心生奸諛得幸

諸道甫乎帝寢驕侈皇甫鏐等遂以聚斂得
幸程异以進羨餘得幸柳泌以方士得幸

寵奴僕居宰輔不信忠臣

帝寵宦官吐突承璀以為神策中尉皇甫鏐程异等
厚賂承璀帝並以爲宰相制下朝野駭愕至於市道
負販者亦唾之裴度恥與小人同列上疏曰天下治
亂繫朝廷朝廷輕重輔相陛下建昇平之業十已
入九何忍還自隳壞使四方解體乎帝以度爲朋黨
後鏐黨陰擠之罷度爲河東節度使鏐又譖平章崔
羣亦罷之

彈詞註卷七

吳

麟德殿龍首池工程再起

帝命六軍修麟德殿龍武統軍張奉國大將軍李文
悅以外寇初平營繕太多白宰相裴度言之帝怒貶
奉國等於是浚龍首池起承暉殿土木侵與麟德
殿在唐大明宮內龍首宮在西安府治東北五里唐
苑東內

紫金丹長生藥服煉修真

帝好神仙皇甫鏐薦山人柳泌能合長生藥泌言天
台多靈草帝遂以泌權知台州刺史諫官爭論奏帝
曰煩一州之力而能爲人主致長生臣子亦何愛焉
後帝服其紫金丹愈加燥熱舍人裴潁曰藥以愈疾
非朝夕常餌之物况金石酷烈有毒又益以火氣殆
非五臟所能勝也帝怒貶之
天台縣其縣有天台
山屬浙江
台州府

迎佛骨貶諫官崇邪徼福

先是功德使上官鳳翔法門寺塔有佛指骨相傳三
十年一開開則歲豐人安請迎之帝從其言至是佛

骨至京師留禁中三日歷送諸寺王公士民瞻奉捨
施惟恐不及刑部侍郎韓愈上表諫曰佛者夷狄之
一法耳自黃帝以至禹湯文武皆享壽考當時未有
佛也漢明帝始有佛法其後亂亡相繼運祚不長惟
梁武帝在位四十八年前後三捨身爲寺家奴竟爲
侯景所逼餓死臺城事佛求福乃更得禍佛不足重
亦可知矣况其身死已久枯朽之骨豈宜佛入宮禁
乞付有司投之水火永絕根本佛如有靈能作禍福
凡有災咎宜加臣身帝怒欲加極刑裴度崔羣救之
乃貶潮州刺史 潮州府名屬廣東韓愈字退之修
武入謚曰文 崔羣字敦詩

爲稱尊受賀禮處陋甘心

自准西用兵以來度支鹽鐵使及四方爭進奉謂之
助軍平賊進賀謂之助賞及帝加尊號又進賀禮

中和殿大年初一時亡化

元和十五年庚子春正月帝暴崩於中和殿

細尋思無疾病事有來因

彈詞註卷七

吳

陳宏志逞奸謀行兇下手

帝服金丹多譟怒左右宦官往往獲罪有死者人人
帝危至是暴崩時人皆言內常侍陳宏志弒逆其黨
類諱之不敢討賊但云 藥發外入莫能明也

梁守謙立太子掩罪容身

初左軍中尉吐突承璀謀立澧王憚爲太子帝不許
太子憂之至是中尉梁守謙與宦官王守澄等共立
太子殺承璀及憚 澧州名屬岳州府

唐穆宗守父孝何曾滿月

命羣臣皆釋服廢禮忘親

帝名恒憲宗太子是爲穆宗居喪未一月即與羣臣
皆釋服不能討弒父之賊又遽有釋服之命隨御樓
肆赦事畢命陳倡 優樣戲而觀之

殢聲色遊畋獵重陽大宴

帝甫過公除即事聲色遊畋九月欲以重陽大宴拾遺李珣等疏諫曰元朔未改山陵尚新合宴後庭事將未可不聽公除謂已成服除之以從公家之事不待終制也重陽節名九月九日也九爲陽數其日與月相應故曰重陽

縱藩臣殺節度放肆橫行

盧龍軍亂因節度使張宏靖推朱克融爲留後詔以克融爲平盧節度使成德兵馬使王庭湊殺節度使田宏正詔以庭湊爲成德節度使魏博將吏憲誠殺其節度使田布詔以憲誠爲節度使

依舊是服金丹亡身殞命

帝餌金石之藥處士張臯疏曰先帝信方士妄言餌藥致疾此陛下所詳知也豈得復循其覆轍乎帝善其言而求之不巳卒得疾崩

賴慈親郭太后却位扶君

初帝寢疾命太子監國宦官欲請郭太后臨朝太后郭曖之女也太后曰昔武后稱制幾危社稷我家世子

彈詞註卷七

五

守忠義非武氏比也太子雖少但得賢宰相輔之卿輩勿預朝政何患國家不安取制書手裂之帝崩太子即

唐敬宗甫登極嬉遊濫賞

帝名湛穆宗太子是爲敬宗帝居喪甫易月數遊宴擊毬奏樂賞賜宦官樂人不可悉紀賜宦官服色有今日賜綠而明日賜緋者

昵八關十六子紊亂朝廷

李逢吉爲相恣肆用事所親厚者張又新李仲言李虞劉栖楚李續張權輿陳昔範姜洽八人從而附麗之者又八人時人目之爲八關十六子有所求請先賂關子後達逢吉無不得所欲也

徒枉了李文饒丹宸進諫

帝遊幸無常昵比羣小視朝月不再三大臣罕得進見浙西觀察使李德裕獻丹宸六箴一曰宵衣以諷視朝稀晚二曰正服以諷服御乖異三曰罷獻以諷徵求玩好四曰納諫以諷侮棄讜言五曰辨邪以諷

信任羣小六日防微以調輕出遊幸帝亦優詔答之
相一書云文饒其
謚也吉甫字宏憲

打球回遭宦者滅燭行凶

帝善擊毬好手搏又以錢萬緡召募力士更好深夜
自捕狐狸性復褊急力士或不遜輒配流籍沒宦官
小過動遭捶撻皆怨且懼夜繼還宮與宦官劉克明
擊毬軍將蘇佐明等二十八人飲酒酒酣入室更衣
殿上燭滅克明
等弑帝於室內

絳王悟立片時仍逢禍害

劉克明矯稱帝旨立絳王悟又欲易內侍之執權者
於是樞密使王守澄等迎江王涵入宮發左右神策
飛龍兵進討賊黨盡斬之絳王為
亂兵所害絳州名屬平陽府

兩日中三換主立起文宗

王守澄等立江王涵即位更名昉是為文宗幾兩日
之間弑敬宗殺絳王立文宗宦者三易其主帝穆宗

彈劾註卷七

五

第三

唐文宗守祖訓貞觀政要

帝自為諸王深知兩朝之弊及即位厲精求治去奢
從儉出宮久放鷹犬省冗食罷別貯宣索組繡彫鏤
之物悉罷之敬宗之世每月視朝不過一二帝復舊
制每竟日視朝對宰相羣臣延訪政事中外翕然以
為復有太平之風按以太宗所選金鏡錄授學士
令狐絢讀之至亂未嘗以此言為首治未嘗不忠賢
止之曰凡求致太平當以此言為首又書貞觀政要
於屏風每正色拱手讀之宣宗事也此作文宗疑誤
令狐絢
字子直

患風疾寵醫士變亂規繩

帝得風疾不能言王守澄薦鄭注帝飲其藥頗驗遂
有寵以為翰林侍讀學士注為帝畫策先除宦官次
清河北帝寵任日隆連逐三相威
震天下平生絲恩髮怨無不報者

甘露禍反遭殃公卿血濺

哭啼啼比報獻受制家臣

平章李訓與鄭注謀以中外協勢以誅宦官出注為鳳翔節度使注與訓謀至鎮選壯士為親兵奏請入護王守澄墓內臣盡集送之因令親兵殺之訓與其黨謀事成則注專有其功乃以羅立言李孝本並瑤韓約為金吾衛大將軍與御史中丞李光弼並注去之宰相惟舒元與其謀他人莫知也露帝御紫宸殿韓約奏左金吾聽事後石槿夜有甘露命宰相視之訓還奏非真帝顧宦官仇士良帥諸宦者往視之官者既去訓名行餘瑤受救瑤兵立丹鳳門外訓召之入下良等至韓約變色皆執兵立鳳吹幕起執兵者甚眾士良等驚起走詣帝告變羅立言李孝本各帥卒登殿縱擊宦官死傷者十餘人良等命左右神策兵露刃出討賊殺金吾吏卒千餘人因誣王涯賈餗舒元與王瑤羅立言謀反皆收繫斬之擒殺李本孝訓走為人所殺鄭注將親兵至扶風知訓已敗復還鳳翔監軍伏甲斬之右軍獲韓約亦斬之鳳翔府名屬陝西邠州屬西安府寧州屬慶陽府扶風縣名屬鳳翔府

彈詞註卷七

五

帝嘗坐思政殿問學士周墀曰朕可方何主對曰陛下堯舜之主也帝曰朕豈敢比堯舜所以問卿者何如周報漢獻耳報獻受制於強諸侯今朕受制於家奴以此言之朕不如也因泣下露襟墀伏地流涕自視朝

仇士良翦宗枝扶持太弟

帝立敬宗少子陳王成美為太子及帝寢疾仇士良魚宏志以太子之立功不在已乃矯詔廢成美為陳王立穎王灑為太弟帝崩士良說太弟賜陳王成美及安王容死遂即位陳州名屬開封府潁州屬鳳陽府安唐州名今德安州

唐武帝任賢相藩鎮幾清

太弟灑穆宗第五子更名炎是為武宗帝以李德裕為相時虛龍軍亂殺節度使史元忠推牙將陳行泰主留務德裕曰河朔事務臣所熟諳比來朝廷遣使太速故軍情遂固若絳之數月不問廷亦自生變既而軍中果殺行泰立張絳復求曰仲武討亂與之有名軍使張仲武起兵擊絳德裕曰仲武討亂與之有名

乃以仲武爲節度使昭義節度使劉崇諫卒其子鎮
自爲留後帝謀於德裕對曰鎮所恃者河朔三鎮也
若遣重臣往諭王元逵何宏敬苟兩鎮聽命則鎮無
擒矣帝遂決意討鎮遣御史中丞李回宣慰三鎮無
不奉詔元逵等果討鎮御之時河北三鎮每遣使至
京師德裕常面諭之曰河朔兵力雖強須藉朝廷官
爵威命以安軍情與其使大將邀敕使以求官爵何
如自奮忠義結志明主乎由是三鎮不敢有異志范
祖禹曰德裕以下豈有一相而制御三鎮如運之掌使武宗
享國長久天下豈有不平者乎 昭義今山西潞州

受元錄廢僧尼難稱純德

帝好神仙受法籙於道士趙歸真惡僧尼
耗蠹天下詔毀天下佛寺僧尼並勒歸俗

餌金丹成大病喑啞而崩

帝餌方士金丹性加燥急遂寢疾而道士以爲換骨
後旬日不能言而崩 換骨方士之言殺人者有五
碎穀去血換 骨出神脫形

皇太叔號宣宗躬行節儉

彈詞註卷七

小太宗虛獎譽大體無能

初憲宗生光王怡及疾篤諸宦官密於禁中定策下
詔以皇子幼冲立怡爲皇太叔更名忱武宗崩太叔
即位是爲宣宗帝恭謹節儉重惜官賞明察沉斷用
法無私從諫如流故太宗之治人思誅之謂之小太
宗惜乎昧於人君之大體 光州名厲汝寧府

搖着手怕中官提心吊膽

帝名翰林學士韋渙屏左右語之曰近日外間謂內
侍權勢如何對曰陛下威斷非前朝之比帝問曰搖
手曰全未全未尚畏之在策將安出渙曰若與外庭
議之恐有太和之變不若就其中擇有才識者與之
謀帝曰此乃未策朕已試之矣自衣緋
以下皆感恩纒衣紫則相與爲一也

爲猜嫌弑嫡母狠壞人倫

太皇太后郭氏帝嫡母也初憲宗納李筠妾鄭氏生
帝憲宗之崩帝疑郭太后預其謀又鄭氏木郭太后
侍兒有宿怨故帝即位待郭太后禮殊薄郭太后意
怏怏一日登勤政樓欲自墮帝聞之大怒是夕暴崩

於興慶宮外
人頗有異論

信諛言出廟主肆行不道

吏部尚書李景讓上言穆宗乃陛下兄敬宗文宗武宗乃兄之子陛下拜兄尚可拜姪可乎宜遷四主出入廟詔百官議

拒裴休立太子自道闕人

裴休為相帝命休極言時事休請早建太子帝曰若建太子則朕遂為閑人休不敢復言裴休字公美濟源人

唐懿宗重佛法唱經開講

帝名温初為鄆王宣宗長子即位是為懿宗帝信奉佛法於禁中設講席自唱經手錄梵夾

歲饑荒人困苦反亂紛紛

時開東年年水旱州縣不以寔聞百姓流殍無所控訴乃軍逐其帥民逐其主相聚為盜所在蜂起

彈詞註卷七

善

相韋路肆貪求牛頭阿傍

以韋保衡路巖同平章事帝荒於庶政委任巖等二人奢靡貪縱勢動天下時目其黨為牛頭阿傍言如鬼陰惡可惡也

愛同昌一公主嫁葬枯神

同昌公主郭淑妃之女帝特愛之嫁韋保衡傾宮中珍玩以為資送賜第廳戶皆飾以襍寶井欄藥臼亦以金銀為之踰年公主卒帝痛悼不已殺醫官二十餘人及葬服玩每物皆百二十與錦繡珠玉輝煥三十餘

十四年壞唐室並無寸善

帝在位十四年驕奢無度淫樂不悛並無寸善可紀李氏之亡於茲決矣

彗星見司天奏舍譽星明

彗出於婁長三尺司天監奏按星經是名舍譽瑞星也主大喜請宣示中外於是編諸史策從之

唐僖宗擊球場狀元人物

懿宗崩宦官劉行洙韓文約立懿宗少子普王儼即位是為僖宗帝善擊毬嘗謂優人石野猪曰朕若應擊毬進士舉須為狀元野猪曰若遇堯舜作禮部侍郎恐陛下不免駁教帝笑而已

田令孜稱阿父殺戮忠臣

帝之為普王也宦者小馬坊使田令孜有寵及即位使知樞密遂擢為中尉帝專事遊戲政事一委令孜呼為阿父左拾遺侯昌業以盜賊滿關東而帝專務遊戲賞賜無度田令孜專權無上社稷將危上疏極諫帝大怒召昌業至內寺省賜死後孟昭圖亦諫令孜矯詔沈之

私鹽賊黃巢反血流川澤

濮州人王仙芝作亂陷濮曹州冤句人貨巢善騎射喜任俠粗涉書傳屢舉進士不第與仙芝共販私鹽至是聚眾應之剽掠州縣及曾元裕擊斬仙芝巢遂稱衝天大將軍陷沂濮入浙東剽閩廣自桂州沿湘而下陷潭州鄂州饒信自采石渡江趨淮入潁宋徐兗之境直逼東都所至屠戮血流成川積屍若山

彈詞社卷七

濮州屬東昌府曹州屬兗州府冤句故城在曹州澶州今長沙府鄂州今武昌府饒州廣信江西府名

陷東都忙出走棄了咸京

黃巢攻陷東都帝命選兩神策弩手得二千八百人令張承範將之往守潼關時京師神策軍士皆長安富家子未嘗經戰陳當直出征多病坊貧人代行巢攻潼關承範兵潰巢直趣長安既入城田令孜帥神策兵五百奉帝自金光門出趣驛谷鳳翔節度使鄭畋謁於道次請留鳳翔帝曰朕不欲密邇巨寇且幸與元徵兵以圖收復驛谷關名在西安府蓋厓縣西南一百二十里與元今漢中府

留盜賊富貴資一般將帥

初黃巢趣襄陽山南東道節度使劉巨容屯兵荆門以拒之俘斬什七八或勸巨容窮追巨容曰國家喜負人有急則不愛官賞事寧則棄之或更得罪不若留賊以為富貴之資案乃止荆門州名屬安陸府

賴雁門李僕射破賊功成

初李克用為沙陀副兵馬使大同軍亂殺防禦使吳文楚推克用為留後後與父國昌俱叛盧龍節度使

李可舉討之克用亡走鞋邕至是黃巢作亂帝詔赦
之克用帥鞋邕諸部萬人赴之牒河東令具頓遞節
度使鄭從讜開城設備而犒給之克用累日不發還
陷忻代州河中留後王重榮以巢兵尚強謀於楊復
光復光曰雁門李僕射驍勇有強兵所以不來者以
與河東結隙耳若以朝旨喻鄭公而召之必來則
賊不足平矣乃召克用節度使克用趨進與巢軍
戰於渭南一日三捷賊衆大奔克用遂入京師巢
走圍陳州不克北趨汴州朱全忠告急於克用克用
追至寬句晝夜行二百里餘其衆糧盡還汴尚讓敗
巢於瑕鄆巢衆殆盡巢甥林言斬巢首以獻雁門
今大同府大同府名屬山西鞏州北翟國名本鞏
之餘種居奚契丹東北後爲契丹所攻部族分散其
散居陰山者自號鞋邕忻代二州皆屬太原府渭南
縣名屬

如寶雞走散關與元再幸

先是安邑解縣兩池皆隸鹽鐵中和以來河中節度
使王重榮專之令致秦復舊制自兼兩池權鹽使重

彈高注卷一

矣

榮論詎不已令致乃徒重榮爲泰寧節度使重榮自
以有復京城功不肯之充州累表數令致十罪令致
結郊率節度朱致鳳翔節度使李昌符以抗之尋遣
致等攻河中重榮求救於李克用李克用引兵赴之致
與昌符大敗克用進逼京師令致奉帝幸鳳翔詔用
還軍河中與重榮表請帝還宮因罪狀重榮請誅之
令致劫帝如寶雞致與昌符以令致弄權再致搗遷
亦取爲之用且潭克用等兵強更與之合進逼車駕
令致奉帝發寶雞難惟神策軍使王建從之走入大散
關時李昌符焚關道丈餘將摧折矣王建掖帝石君
焯柵險要燒郵驛帝由他道至興元節度使白煙
俱屬平陽府鹽池有三一在平陽府解州一在慶陽
府城北五百里一在寧夏衛城北四百里泰寧軍今
山東兖州府寶雞縣屬鳳翔府大散關在寶雞
縣南大散嶺下通褒斜大路山南西道今漢中府

王行瑜斬反者并及襄王

朱致以田令致在帝左右終不可去乃立蕭宗元孫
襄王溫權監軍國事更遣王行瑜將兵追乘輿時帝
在興元平章杜讓能曰楊復光與王重榮同破黃巢
相親善若諭以大義宜有回慮帝從之重榮命聽命

日請討攻以自贖帝詔以宦官楊復恭假子楊守亮與重榮等共討攻復恭傳檄關中曰得朱致首者以靜難節度使賞之王行瑜戰數敗與其下謀曰今無功歸節度使若與汝曹斬首安政城迎大駕取郿寧節餼乎衆從之遂引兵歸長安攻城斬之曰汝欲反取行瑜曰吾不反欲誅反者耳遂擒斬之襄王奔河中重榮詐爲迎奉執焜殺之函焜首

唐昭宗立名號門生國老

僖宗崩疾宦官楊復恭立懿宗子壽王傑爲皇太弟位復恭恃援立功所爲不法帝意不平故事多謀於宰相後帝出復恭爲鳳翔監軍復恭慍對不肯行稱疾求致仕帝從之尋謀反帝遣天威都頭李順節討之復恭走興元與其假子楊守亮舉兵拒命鳳翔節度使李茂貞討之取興元復恭等奔閬州茂貞拔閬州獲復恭獻於闕下斬之茂貞獻復恭與守亮書誅致仕之由云承天門乃隋家舊業大姪但積粟訓兵勿貢獻吾於荆榛中立壽王纔得尊位廢定策國老有如負心門生天子壽王纔得尊位廢定策國老

彈詞註卷七

七

少陽院苦幽囚爾汝難聽

時宰相崔口與帝謀誅宦官中尉劉季述等謀曰主上輕佻變詐難奉事專聽任南司官吾輩終罹其禍不若奉立太子乃召百官陳兵殿廷季述乃扶帝與子監國將士大呼入思政殿院季述以銀梃畫地數何曰嬪御纔十餘人適少賜院季述如此數十數乃手鎖其門鎔鐵錮之遣兵圍之穴牆以通飲食矯詔立太子裕後崔口密遣人說神策指揮使孫昭德討誅季述等

信崔口名汧兵鳳翔遷劫

崔口請盡誅宦官但以宮人掌內諸司事宦官韓全誨等求美人知書者數人內之宮中陰令詔察其事盡意口密謀時朱全忠李茂貞全有挾天子令諸侯之意口知謀泄急遺全忠書令全忠以汧兵迎車駕全忠遂舉兵發大梁至河中表請車駕幸東都全誨等陳兵殿前言於帝曰全忠欲劫天子幸洛陽求傳禪臣等請奉陛下幸鳳翔收兵拒之帝不許拔劍登乞巧樓全誨等逼帝下樓即於御院縱火帝不得已

與后妃諸王百餘人皆上馬慟哭而出李茂貞出迎遂入鳳翔汴州大梁郎今開封府

李茂貞奪天子翰與朱溫

崔口詣河中泣訴於朱全忠請以時迎奉全忠乃將兵發河中茂貞自將與全忠戰於虢縣大敗而還全忠遂進圍鳳翔攻城者詎城上人云劫天子賊乘城者詎城下人云奪天子賊時城中食盡茂貞方密謀誅宦官以自贖乃獨見帝請誅韓全誨等與全忠和奉車駕還京帝喜即收全誨斬之并誅宦官七十餘人帝遂幸全忠營朱全忠原名溫詠

紇于山凍雀兒離鄉背井

朱全忠屯河中遣牙將奉表稱郃岐兵逼畿甸請遷都洛陽時帝御延喜樓及下裴樞已促百官束行馳徙士民號哭滿路罵曰賊臣崔胤召朱溫來道呼萬歲帝泣曰勿呼萬歲朕不復為汝主矣館於興德宮謂侍臣曰鄙語云紇于山頭凍雀兒何不飛去生處樂朕今漂泊不知竟落何所泣下霑襟遂至洛陽紇于山即統真山在大同府城東北其山春夏積雪岐

彈詞註卷一

印鳳翔府郃州華州俱屬西安府

醉醺醺椒殿裏疾走無門

帝自離長安日憂不測與何后終日沈飲或相對悲泣全忠方西討以帝有英氣恐變生欲立幼君易謀禪代乃遣判官李振至洛陽與蔣元暉等圖之元暉選牙官史大等百入夜叩宮門帝在椒殿方醉遽起單衣繞殿走太追弒之

昭宣帝軟雕雕孤兒寡婦

蔣元暉矯詔立昭宗第九子暉王祚即位更名祝是為昭宣帝朱全忠使元暉邀昭宗子德王裕等九人置酒九曲池悉縊殺之投屍池中昭宗諸子於是皆死所存者惟何太后與帝孤兒寡婦而唐祚移矣

母先亡兒後死慘霧愁雲

初柳瑋與蔣元暉等相結為全忠謀禪代事何太后使宮人達意求傳禪之後子母生全王殷趙殷衡譜元暉等與太后夜宴焚香為誓與復唐祚全忠信之令殷等殺太后於積善堂斬元暉等全忠歸大梁帝

遣御史大夫薛貽矩勞之貽矩以臣禮見北面拜舞
於庭還言於帝曰元帥有受禪之意矣帝遂下詔禪
位於梁王奉帝為濟陰王明年弒之
謚曰哀帝 濟陰今兗州府曹州

薛貽矩蔣元暉真為狗輩

薛貽矩蔣元暉俱註
見前狗輩註見後

愧殿下孫供奉喪盡人心

昭宗有猴善拜跪每朝謁候亦拜敬盡禮號孫供奉
朱溫篡位令朝賀猴苟輩急成賊溫受禪之意堂
之顧氏曰薛貽矩苟輩急成賊溫受禪之意堂
臣宰食祿多年回面污行效忠盜賊視殿下孫供奉
能不愧死
入地哉

三百載大唐朝二十一日

唐高祖至哀帝凡二十
一主共二百八十九年

亂離多寧靜少幾日昇平

彈詞註卷七

堯

女后淫虐於前安史傾敗於後羣閹濁亂於中藩鎮
尊大於外又以盜賊剪殄其宗禍釁乘除鳴張端結
東撐西傾
以至於亡

春風回首人何在

五代紛紛起戰爭

追想千年往事六朝踪跡茫然隋唐相繼統中原世態
幾回云變 楊柳淒迷汴水丹青慘淡烟樂遊原上
草連天飛起寒鴉一片 西江月

東風掃盡隋唐憾

百二山河換主人

廿一史彈詞註卷之八

成都楊 慎用修編著

漢陽張三異禹木增定

男仲璜別麓註 曾孫任佐較刊

第八段 說五代史 定風波

兩汗淋漓赴選場秀才落得甚乾忙白髮漁樵諸事懶
蕭散閒談今古論興亡 虞夏商周秦楚漢三分南北
至隋唐看到史官褒貶處得趣不搖紈扇自然涼

詩曰

山自青青水自流南征北戰幾時休青春壯士邊關
老紅粉佳人白了頭

彈詞註卷八

十遇征夫九皺眉忘餐廢寢有誰知中宵破夢兜鈴
舉頓飯驚心戰馬嘶剪髮搓繩穿斷甲拆衣抽線補
殘旗風流宰相龍樓宴翠袖雙扶下玉梯

詩向會家閒講究話逢知己細評論評論往事知賢
否講究前賢說廢興東岸水流西岸響南山風送北
山雲雲容冉冉舒還卷水勢滔滔古又今流水浮雲
何日了人生在世幾回春消磨白髮詩和酒斷送青
春利與名蓋世功名野馬燄掀天事業闍婆城半張
故紙留蹤跡千古漁樵作話文濶論高談依故典長
歌短曲弔英魂就中多少悲歡處珍重相知勿倦聽
說過隋唐三百載一場春夢別翻公案五代史多少興

亡要知去跡來踪閱盡殘篇斷簡按五代者梁唐晉漢周是也起朱溫終周恭帝凡十三主纔六主善終略談於後

後梁太祖朱溫本碭山小民為黃巢賊黨力屈降唐後因有功封梁王賜名全忠弒了唐昭宗自稱皇帝開平乾化

在位六年被妾生子郢王朱友珪刺死其第三子均王友貞討誅友珪貞明龍德又十年唐莊宗滅之共十六年而

亡

唐主李存勗其先朱邪國昌乃沙陀國人有功於唐賜姓李氏其父李克用封晉王去世之後李存勗滅了梁國自稱唐主謂之莊宗同光在位四年被樂官郭從謙所

禪詞註卷八

上

二

弒其義兄明宗即位天成長興傳之愍帝應順又被義兒潞王所弒潞王自立三年清泰被石駙馬所篡前後四王共十

四年而亡

晉主石敬瑭乃唐明宗駙馬割地臣虜借兵滅唐為晉高祖天福在位七年傳與兄子石重貴開運被北番擄入胡

地共十一年而亡

漢高祖劉知遠石晉之臣乘契丹滅晉稱帝天福傳子承佑是為隱帝乾祐輕誅功臣被其臣郭威所弒父子共四

年而亡

後周太祖郭威連弒劉承佑劉贊篡漢廣順在位三年無嗣其妻兄之子柴榮篡位是為世宗顯德七年而崩子宗

訓即位七月禪位與趙匡口按後周三主二姓共十年而亡此謂之五代十三君一起一滅五十三年中間又有僭號之國十一處稱王稱帝賢愚不同

福建閩王王審知唐僖宗時受封據福建統五州傳其後王延翰王延鈞龍啓王延昶永和王延曦永隆王延政天德

共六主五十年而降於吳越

吳越國者起錢鏐唐昭宗時受封據兩浙統十三州是

為武肅王正寶傳其後文穆王元瓘忠獻王宏佐宏侖宏

俶凡五主八十四年歸降於宋太祖

淮南吳王楊行密唐昭宗時受封據廬州二十八郡號

忠武王傳之威王渥宣王隆演武讓王溥順義 乾貞

彈詞註卷八 上

凡四主共三十六年禪位與南唐

江南唐王李昇本淮南楊氏之臣徐溫之義子係唐朝

子孫受吳王封為齊王受楊溥禪位建國金陵稱帝統

三十五州號烈祖傳之子李景是為後主保大宋太祖

乾德二年卒其子李煜嗣位歸宋凡三主共三十九年

而亡

湖南楚王馬殷唐昭宗時為刺史據潭州二十三郡朱

溫時受封是為武穆王傳其子希聲希範希廣希萼希

崇凡六主共五十六年南唐後主滅之

荆南秦王高季興梁朱溫之臣又降唐降吳受吳封為

秦王據荆南三州傳其後高從誨保融保勗繼冲凡五

主共五十七年降於宋

西川蜀王王建唐僖宗時為利州刺史昭宗時受封後

稱帝據成都四十八州是為高祖武成 永平傳其子

宗衍光天 乾成 康共二十五年唐莊宗滅之

後蜀王孟知祥唐明宗時受封據成都三十六州傳其

子景明德 廣政共四十年降於宋太祖

北幽燕王劉守光梁太祖時受封後稱帝唐莊宗滅之

廣南漢王劉隱梁太祖時為清海節度使弟劉巖稱帝

據廣南四十七州乾亨 大有傳之子玠光天 乾和晟乾和鉞乾和

凡四主共五十五年宋太祖滅之

河東晉主劉崇漢高祖知遠之弟因郭威篡漢遂稱帝

於晉陽謂之北漢世祖傳其子承鈞是為孝和皇帝天會

無嗣先是有營卒薛釗娶世祖女為妻生子繼恩世祖

即位其女居內薛釗自刎世祖以繼恩與孝和為嗣其

母改嫁何氏又生子名繼元亦與孝和為嗣廣運相傳四

主共二十九年宋太祖併之

凡此十一處稱王稱帝者共四十一人

自唐末梁初各各據土僭號至宋太宗太平興國四年

通共八十二年北漢劉繼元歸附之後僭偽盡絕那時

天下生靈受了多少塗炭見了多少干戈今從五代梁

朱溫創始之初說起

按五代始於梁朱溫創首

梁唐晉漢周爲五代始朱溫篡奪唐祚稱帝改國爲梁

本碭山無藉子一箇窮民

朱溫宋州碭山午溝里人少孤貧與兄存昱傭食蕭縣劉崇家崇數笞辱之後稱帝兄全昱曰朱三汝本碭山一民也從黃巢爲盜天子用汝爲四鎮節度使富貴極矣奈何一旦滅唐家三百年社稷他日得無滅吾族乎宋州今歸德府碭山縣蕭縣俱屬徐州括地志云宋州碭山縣在州東百五十里碭山在縣東按今歸德府秦碭郡也

唐之末金色蟆太行造反

唐天僖中有童謡曰金色蝦蟆爭努眼翻却曹州天下反後王仙芝果陷曹州黃巢應之巢後攻陷長安自稱大齊皇帝改元金統太行山在河內山陽縣西北上黨南又在懷慶府城北二十里山勢綿亘數千里雖各因地之名其實皆名太行

聚鄉民相接應占據河中

彈詞註卷八上

黃巢起曹濮溫聚眾應之巢陷京師以溫爲東南面行營先鋒使討河中留後王重榮數爲重榮所敗溫乃因重榮以同州降都統王鐸表溫爲河中行營招討副使後重榮死子珂爲河中留後溫取河中執珂殺之奏乞除河中節度諷吏民請已爲帥河中今平陽府蒲州

勢敗也乃降唐獲功受賞

時唐僖宗在蜀以首相王鐸爲諸道行營都統會諸鎮兵討巢進逼長安官軍四集巢勢日蹙號令所行不出同華溫知其將亡遂以華州降唐鐸以溫爲同華節度使尋令兼淮南節度使又令爲蔡州四面行營都統進爵東平郡王更拜爲宣武宣義天平護國節度使未幾進爵梁王後又賜號回天再造竭忠守正功臣同華二州今俱屬西安府護國即河中今蒲州

賜御名易全忠猛氣兇鋒

唐僖宗賜溫名全忠溫祖獢克暴殘忍屠戮顛氏曰怒鬚仇目奸鋒中人險成震主虎負鷹視

所忌者晉蜀岐皆爲勦敵

封魏王加九錫凡肉唐宗

初全忠為宣武節度使李克用為雁門節度使王建為西川節度使李茂貞為鳳翔節度使各擁強兵屢相攻戰唐昭宗封克用爵晉王建蜀王茂貞岐王全忠梁王俊全忠結昭宗而立昭宣帝急於傳禪密使蔣元暉等謀之元暉以魏晉以來皆加九錫殊禮然後受禪全忠曰汝曹巧述開事以沮我借使我不受九錫豈不能作天子耶元暉曰唐祚已盡天命歸王但以晉蜀岐皆吾勅敵王遠受禪彼心未服不可不曲盡義理然後取之元暉歸謀於柳璨等乃以全忠為相國總百揆進封魏王加九錫全忠怒不受綱目曰溫視唐宗猶机上之肉惟所烹醢耳 宣武軍名今開封府

效推戴張文蔚蘇循李振

初元暉等議加全忠九錫朝士多憤色唐禮部尚書蘇循揚言曰梁王功業顯大歷數有歸朝廷宜速行揖讓朝士無敢違者後昭宣帝禪位於梁遣宰相張文蔚及循與御史大夫薛貽矩等奉冊寶如梁全忠遂稱帝文蔚等舞蹈稱賀全忠舉酒勞之曰此皆諸公推戴之力也文蔚慚伏獨循與貽矩成稱功德以

為應天順人 李振註見下

彈詞註卷八

上

六

弒昭宗假啼哭無樣欺心

判官李振為全忠心腹每自汴至洛朝臣必有竄逐者時謂之鴟梟全忠欲立幼君易謀禪代遣振至洛陽與蔣元暉及朱友恭氏叔琮等圖之振遂與元暉謀夜弒昭宗於椒殿全忠聞之陽驚哭曰奴輩負我令我受惡名於萬代至東都伏梓官慟哭殺友恭叔琮友恭臨刑大呼曰賣我以塞天下之謗如鬼神何

服袞冕篡唐朝改名朱晃

初張文蔚等率百官勸進全忠更名晃文蔚奉冊寶至金祥殿晃遂披袞冕即位是為後梁太祖

夾寨戰幽州戰眉蹙難伸

梁遣康懷貞攻晉潞州晉李嗣昭閉城拒守懷貞攻之不克乃築壘穿塹守之内外斷絕晉遣周德威救之壁於高河懷貞擊之大敗梁遣李思安伐之更築重城內以防奔突外以拒援兵謂之夾寨時相持逾年會晉王克用卒子存勗立與諸將謀曰朱溫所憚者先王耳聞吾新立必有驕怠之心若出其不意破

之必矣乃帥兵直抵夾寨塹塹燒寨鼓譟而入梁兵潰走踰州圍解晁聞之驚歎曰生子當如李亞子克用爲不亡矣晉師伐幽州燕王劉守光求救於梁晁自將救之進圍蓨縣晉將李存審引兵扼下蓨橋使史建塘李嗣肱分道擒生遇梁軍之樵芻者皆執之軍至矣建塘嗣肱各期三百騎效梁軍旗幟服色與樵芻者雜行暮至營內縱火大譟營中大擾斷臂者復來曰晉軍大至矣晁大駭燒營夜遁委棄資械不可勝計旣而復遣騎覘之曰晉軍實未來此乃史先鋒遊騎耳晁慚憤遂幽州之戰收迹遠遁鬱鬱然沮恨低首常不伸眉 蓨縣故城在河間府景州城內下博縣名今省入真定府深州德威字鎮遠馬邑人預料著自死後身無葬地

晁還至洛陽疾甚謂近臣曰我經營天下三十年不意太原餘孽更昌熾如此吾觀其志不小天復奪我年我死諸兒非彼敵也吾無葬地矣因哽咽絕而復蘇

縱淫邪私子婦狗行狼心

彈詞卷八

七

見長子柳王友裕早卒次假子博王友文留守東都次郟王友珪爲控鶴指揮使次均王友貞爲東都指揮使見恣意淫邪諸子在外常徵其婦入侍友文婦王氏色美見尤寵之 柳今湖廣柳州博今山東東昌府郟今武昌府

均州名屬襄陽府

朱友珪高聲罵老賊萬段

友作爲天報應寢殿尸橫

見疾甚命王氏召友文欲付以後事友珪婦張氏知之密告友珪友珪遂入左龍虎軍見統軍韓勅相與合謀以牙兵從友珪襟控鶴士中夜斬開入至寢殿見驚起曰我固疑此賊憾不早殺之友珪曰老賊萬段友珪僕夫馮廷諤以劍刺晃洞其腹刃出於背以敗禮裏之壺於寢殿友珪遂即位尹氏曰朱溫篡唐亦能以子弑父其屠戮之慘皆天理昭昭之報也

朱友貞討逆賊誅兄報父

梁駙馬都尉趙巖晃之婿也奉使至大梁均王友貞密與謀誅友珪巖曰此事成敗在揚令公時揚師厚

為天雄節度使宿衛勁兵多在魏下友貞乃遠心腹
說之師厚謀之將佐或曰鄆王舜弒君父賊也均王
舉兵復讐義也厚乃使其將王舜賢至洛陽陰與景
翊龍虎統軍表象先謀嚴歸亦與象先定計遂帥禁
兵突入宮中友珪令馮廷諤先殺妻後殺已廷諤亦
自殺友貞遂即位於大梁是為梁末帝 天雄軍各

今大
名府

寵張趙任段凝闇弱無能

德妃張氏卒將葬康王友敬使人於寢殿作亂執誅
之友貞由是疎忌宗室寵任趙巖及如兄弟漢鼎漢
傑從兄弟漢倫等咸居近職弄權賣爵政事日紊歸
凝論附張趙每出兵使為監副捷奏至張趙悉歸
功於凝疑重賂之求為拾討使由是將士憤怒後梁
將康延孝奪唐唐主存勗問以梁事延孝曰梁主聞
懼張趙擅權段凝智勇俱無專欵行伍以奉權貴願
陛下養勇蓄力直抵大梁掄其僞主天下定矣 康
今肇慶府

德慶州

乘敬翔罷劉鄩一時智勇

彈詞註卷八上

平章敬翔深沉有智略從是出兵三十年細大之務
必關之及友貞立趙巖等用事翔每進言皆不聽後
梁盡失河北翔曰國家疆土日蹙臣雖愚矣受國恩
深願得自效巖等以翔有怨言遂棄不用後唐軍且
至友貞遽呼翔曰朕居常忽卿言今急矣將若之何
翔泣曰臣雖為相實朱氏老奴事陛下如郎君前後
獻言陛下不用致有今日雖良奴復生誰能為陛下
計者及唐軍入翔遂自縊鎮南軍節度使劉鄩拜兵
書有機畧唐主存勗嘗曰劉鄩用兵一步百計後與
存勗相持於華縣友貞以書責戰鄩報曰晉兵甚銳
未易輕也友貞怒鄩曰主暗臣諛將驕卒信吾不知
死所矣後河朔皆入於唐罷鄩為亳州團練使段凝
素惡鄩乃諧之罷鄩歸洛陽酖殺之 華
縣屬東昌府亳州屬鳳陽府敬翔同州人

王鐵鎗好男兒豹死留名

招討使王彥章驍勇絕倫每戰用二鐵鎗皆重百觔
一置鞍中一在手所向無前軍號王鐵鎗先是以段
凝趙巖之譖罷彥章還第及唐兵攻兗州乃召用之
是時梁之勝兵皆屬段凝京師祇有保嬰五百騎以
屬彥章至邙坊戰敗退保中都又敗彥章死戰唐將
夏魯奇識其語音曰王鐵鎗也舉稍刺之彥章傷重

馬蹟遂被擒唐主存勗惜之賜藥以傳其創彥章不知書常為俚言謂人曰豹死留皮人死留名存勗屢遣人誘諭之彥章曰臣與皇帝血戰十餘年今兵敗力窮不死何待豈有朝為梁將暮為唐臣遂見殺中都今兗州府汶上縣

李亞子大兵來號咷乞命

李克用病篤命立其子存勗為嗣謂其弟克寧曰以亞子累汝亞子存勗小字也王彥章嘗謂人曰李亞子鬪雞小兒何足畏至是唐兵至曹州梁守將皆降友貞聞彥章就擒唐軍且聚族而哭召羣臣問策皆莫能對置傳國寶於臥內左右竊之以迎唐軍友貞唯日夜號哭不知所為曹州屬兗州府

皇甫璘揮短劍了當殘生

友貞謂指揮使皇甫璘曰吾不能自裁卿可斷吾首璘泣曰臣為陛下揮劍死唐軍則可矣不敢奉此詔友貞曰卿欲賣我耶璘欲自刎友貞持之曰與卿俱死璘遂弑友貞因自殺

父共子十七年風燈草露

彈詞註卷八 上

九

梁太祖末帝父
子共十七年

被唐朝追貶做小可凡民

唐毀梁宗廟追廢
朱晃友貞為庶人

唐冢者乃唐朝沙陀降將

李國昌子克用赴難朝廷

李國昌本名赤心其先號朱邪蓋出於西突厥至其後世別自號曰沙陀而以朱邪為姓唐懿宗時赤心以有功拜振武節度使姓名曰李國昌子克用為沙陀副兵馬使唐僖宗乾符中克用殺大同防禦使段文楚自為留後僖宗乃拜國昌為大同節度使國昌欲父子并據兩鎮得制書毀之殺監軍與克用合兵擊寧武及苛嵐軍盧龍節度李可舉討敗之國昌父子亡走鞏鞏黃巢陷長安朝廷赦之遣李友金召之克用始將沙陀兵趨河中赴難長安僖宗以為雁門節度使後封晉王至唐為朱溫所滅克用卒長子存勗嗣位遂稱帝國號亦曰唐是為後唐朱邪處月之別種西突厥苗裔世居金婆山之陽蒲類海東

其地有大磧名沙陀後因以沙陀爲號以朱邪爲姓
振武軍名今大同府寧武故址在大同府朔州南寄
嵐軍今爲州
屬太原府

獨眼龍破黃巢功居第一

克用一目微眇時人謂之獨眼龍與黃巢戰於渭南
一日三捷巢敗走克用遂入京師時克用年二十八
於諸將最少破黃巢復長
安功第一諸將皆畏之

與朱溫劈斷對屢次交兵

克用屢敗巢兵迫巢至於窋旬巢遁走克用還過汴
州朱溫館於上源驛克用乘酒使氣溫不平克用醉
卧溫發兵圍驛攻之左右以水沃其面而告之克用
始張目援弓而起會大雨震雷克用隨電縱城得出
還太原詎於京師請加兵於汴信宗諒和解
之克用由是不平與溫互相攻伐兵連不已

憤逼京負罪愆群奸挑激

信宗光啓元年河中王重榮與宦者田令孜有隙使
重榮充州以王處存爲河中節度使詔克用以兵護

彈詞註卷八 上

處存之鎮重榮使人給克用曰天子詔重榮俟克用
至與處存共誅之因僞爲詔書示之曰此朱溫之謀
也克用信之入上表請討溫皆不許克用愈怒信宗
以重榮不徙充州遣邠州王玖鳳翔李昌符討之玖
等亦陰符於溫欲朝廷所爲會重榮告急於克用克
積募殺近侍聲云克用所爲會重榮告急於克用克
用遂以兵赴之與玖等戰於沙苑大敗之遂進逼京
城令玖奉信宗奔鳳翔克用退屯河中表請還宮因
罪狀令玖請誅之令玖復劫駕至興元克用
遂還太原 沙苑地名在西安府朝邑縣南

誓一生無改節義士忠臣

西川王建謀稱帝遣克用書曰請各帝一方俟朱溫
既平乃訪唐宗室立之退居藩服克用復書云誓於
此生靡敢失節因語子存勗曰昔天子幸石門吾發
兵誅賊臣當是時吾若存勗曰昔天子幸石門吾發
文誅賊臣當是時吾若存勗曰昔天子幸石門吾發
石門鎮名惟西安府淳化縣北有石門山又平涼
府靜寧州南有石
門峽未知孰是

李存勗承王位雪仇三矢

克用卒子存勗嗣位為晉王初克用臨終以三矢賜存勗曰梁吾仇也燕王吾所立契丹背約歸梁三者吾遺恨也與汝三矢無忘父志存勗藏之廟用兵請矢盛以錦囊負而前驅後存勗果繫燕王劉守光父子函梁朱友貞君臣之首入太廟還矢焉

滅仇梁繼唐統氣槩豪英

唐天祐二十年存勗自立為帝仍廟祀高祖太宗懿宗昭宗以下上繼唐統國號曰唐是為後唐莊宗是年梁數道入寇存勗召諸將會議郭崇韜曰梁今以精兵授段凝凝非將材不足畏謹郭崇韜曰梁今以保楊劉自以精兵長驅入汴彼城中空虛必望風潰矣存勗遂以大軍濟河至鄆州遇梁兵敗之追至中都圍之梁兵潰擒梁將王彥章亟趨大梁梁主友貞自殺段凝降梁遂滅先是克用謂存勗此子志氣遠大函梁君臣之首入廟還矢其意方其繫燕父子以組梁大各府楊劉城名今東阿縣

張承業一片心忠言逆耳

彈詞註卷八 上

辜負了老勅使早自稱尊

土

初唐天祐十八年存勗謀稱帝魏州僧得傳國寶獻之將佐皆賀監軍使張承業諫曰吾王世世忠於唐室所以老奴三十餘年為王捋拾財賦名補兵馬誓滅逆賊復本朝宗社耳今元兇未滅而唐即大位殊非王父子之初心王何先滅朱氏求唐後而立之使王之子孫在孰敢當之使唐無子孫天下之士誰與王爭者臣唐家一老奴耳誠願見大王之成功然後身遂田里使百官送出洛東門令路人指曰此朝敕使先王時監軍也豈不臣主俱榮哉存勗曰此非余所願奈羣下意何承業知不可止乃仰天大哭曰諸侯血戰本為唐家今王自取之誤老奴矣即歸太原不食而卒時年七十有七 承業字繼元 憲傳宗時宦者 昭宗以為監軍

堪憾處志驕盈矜功十指

荆南節度使高季興入朝及歸謂將佐曰新朝百戰方得河南乃對功臣舉手云吾於十指上得天下矜伐如此誰不解體吾無憂矣吳嚴可求亦謂徐溫曰聞唐主始得中原志氣驕滿不出數年將有內變但

保境安民以待之耳
荆南軍名今荊州府

侮縉紳悅女色寵任伶倫

存勗自滅梁之後漸恣荒淫命伶人景進采擇民女
三千餘人以充後庭尤寵任伶人出入宮掖侮弄縉
紳羣臣憤激莫敢出聲四方藩鎮爭以賄略結之委
尤熹政害人者景進好采問閭鄙細事以開存勗委
以耳目由是干預政事施其讒慝將相大臣皆憚之

李天下壞名聲甘心下賤

存勗勿善音律或時自傳粉墨與優人共戲於庭以
悅所寵劉夫人優名謂之李天下嘗自呼曰李天下
李天下優人敬新磨遽前批其頰存勗失色新磨徐
曰理天下者只有一人尚誰呼耶存勗悅厚賜之

得蜀驕輕屠膾汗馬功勳

唐遣魏王繼岌及侍中郭崇韜伐蜀崇韜入散關倍
道而進王承捷以鳳興文扶四州迎降餘城鎮皆望
風款附進逼成都蜀主衍降梁震謂李高興曰唐主
得蜀益驕亡無日矣時崇韜在蜀與宦者向延嗣有

彈詞註卷八

上

士

隙延嗣歸譖之存勗怒復遣宦者馬彥珪詣成都曰
崇韜若有遷延蹶屨之狀則與繼岌圖之劉后復自
為教與繼岌令殺崇韜彥珪至蜀繼岌遂如教殺之
并殺其諸子時護國軍節度使朱友謙入朝伶人景
進譖之亦見殺并詔李給奇滅其家由是天下莫知
崇韜等之罪人情疑郭李給怒謂諸將曰國家南
取大梁西定巴蜀皆郭公之謀而吾之功至於與國
家犄角以破梁則朱公也今朱郭皆無罪族滅行及
我矣紹琛所將多河中兵河中將焦武等號哭於軍
門曰西平王何罪闔門屠膾我輩歸則同誅決不復
東矣遂俱反於蜀顧氏曰汗馬勳臣闔門屠膾而失
功矣遂俱反於蜀顧氏曰汗馬勳臣闔門屠膾而失
今文縣扶故址在文縣西屬鞏昌府護國軍今
平陽府蒲州西平王郭崇韜追諡為西平王

登高歎石橋悲彷徨四顧

趙在禮作亂遣歸德節度使李嗣源討之軍士劫嗣源入鄴
從乃命成德節度使李嗣源討之軍士劫嗣源入鄴
欲與俱反嗣源奔相州紹榮奏嗣源叛與賊合嗣源
上章自理皆為紹榮所遇嗣源疑懼遂引兵據大梁
結榮請存勗幸關東招撫存勗遂發洛陽至萬勝鎮
開嗣源已據大梁諸軍離叛登高歎曰吾不濟矣即

命旋師至石橋西置酒悲泣遂入洛陽 歸德軍即歸德府相州亦即歸德鄴郡五代唐所置今大名府

郭門高下毒手樂器焚身

伶人郭從謙以有功得寵為從馬直指揮使郭崇韜
享諸校對之流涕言崇韜之寃從馬直軍士王温等
五人遂作亂擒斬之存勗戲謂從謙曰汝既負我附
崇韜又教王温反欲何為也從謙懼退謂諸校曰主
上以王温之故俟鄴都平定盡阬若曹由是親軍皆
不自安從謙遂定計帥所部兵攻興教門存勗聞變
帥衛兵擊之時亂兵已鷹坊而入近臣宿將皆釋甲
潛遁存勗為流矢所中鷹坊人善友扶至絳霄殿廡
下抽矢渴憊須臾遂阻善友斂樂器覆屍而焚之
郭從謙優名郭門高

唐明宗李嗣源胡人異姓

勇鬪戰屢建功養子螟蛉

李嗣源本胡人無姓氏初名邈佶烈以騎射事克用
屢立戰功克用養以為子賜名李嗣源及莊宗被弒

諸將立以為帝
是為唐明宗

彈丸卷八 上

三

討鄴都軍士譁身為擁立

初存勗使嗣源討趙在禮於鄴都嗣源下令詰旦攻
城是夜從馬直軍士張破敗帥衆大譟焚營嗣源叱
而問之對曰將士從主上十年百戰以得天下今主
上棄恩任威云克城之後當坑魏博軍我輩初無叛
心但畏死耳今欲與城中合勢請主上帝河南令公
帝河北嗣源泣諭不從遂劫入城在禮帥諸校迎拜
嗣源詭以出城收兵奔相州上表自理為李紇榮
所遏嗣源不得已遂違石敬瑭以兵入據大梁

入洛陽監國政志在經綸

嗣源至碧子谷聞存勗被弒乃慟哭入洛陽止於私
第百官勸進嗣源曰吾奉詔討賊不幸部曲叛散欲
入朝自訴又為紹榮所隔披猖至此諸軍見推
殊非相悉後百官三上牋請嗣源監國乃許之

遠女色減中宮英明有道

時宣徽使選後宮美少者數百獻之嗣源曰奚用此
為對曰宮中職掌不可闕也嗣源曰宮中職掌宜諳

故事此輩安知吾悉用老舊者量留後宮百
人宦官三十人又除稅省耗及罷四節貢奉

惜生民休士馬五穀豐登

嗣源在位八年兵革罕用年穀豐登蔚代
緣邊粟斗不過十錢較於五代粗為小安

夜焚香禱蒼天早求誕聖

嗣源每夕於宮中焚香祝天曰某胡人因
亂為衆所推願天早生聖人為生民主

只末年諱儲嗣激喪從榮

太僕少卿何澤表請立秦王從榮為太子嗣源不悅
私謂左右曰羣臣請立太子朕當歸老太原舊第再
議遂止從榮驕矜不為時論所與心忌宋王從厚嘗
懼不得為嗣至是嗣源寢疾從榮入弔疾嗣源首
不能舉從榮出聞宮中皆喪意反兵已攻端門矣嗣
源指天泣下謂侍衛指揮使康義誠曰卿自處置控
鶴指揮使李重吉從珂之子也時侍衛副源曰爾亟
以兵守諸門重吉即以控鶴兵守宮門是日從榮自
河南府擁兵千人以出陳兵天津橋北使人名義誠
而端門已閉叩左掖門亦閉漢瓊使馬軍指揮使朱
洪實帥騎討從榮從榮潰走歸府皇城使安從益進
斬之

唐愍帝怡臨朝時哀運拙

宋王從厚明宗第五子時為天雄節度使從榮伏
誅遣孟漢瓊名從厚於鄴至是即位是為愍帝

李從珂王氏子反入西京

李從珂本姓王氏小字阿三鎮州平山寡婦魏氏之
子嗣源掠得之養以為子名曰從珂時為鳳翔節度
使朝廷徙之河東從珂遂於鳳翔舉兵反從厚以康
義誠為招討使將兵拒之從珂至陝諸將及義誠皆
降從厚遂出奔衛州從珂入洛陽廢從厚為鄂王而
自立 鎮州今真定府平山縣名屬真定府衛州今
衛輝府鄂州
今武昌府

辭鳩酒用麻繩哀哉短命

衛州刺史王宏贄遷從厚於州解從珂遣
宏贄之子繼往鳩之從厚不欲繼繼殺之

一家兒妻共子總做冤魂

從厚出奔妃孔氏病四子俱幼不能從從珂俱殺之

唐潞王篡李氏戕民賞衆

從珂初封潞王弼從厚自立國號亦曰唐是為唐廢帝初從珂發鳳翔許軍士以入洛人百緡既至闕實府庫金帛不過三萬兩而賞軍之費計應用五十萬緡三司使王玢請率京城民財以足之數日僅得數萬緡執政請據屋為率無問士庶自居及僦者預借五月僦直從之

除菩薩扶生鐵變了人心

是時有司百方斂民財及竭左藏舊物與諸道貢獻乃至后妃器服簪珥纔二十萬緡從珂患之學士李專美曰財力盡於此矣宜據所有均給之乃詔禁軍在鳳翔歸命者賜錢七十緡至二十緡在京者各十緡軍士無厭怨望曰除去菩薩扶立生鐵以愍帝仁弱從珂剛嚴有悔心故也

千春節歸及疑漏言公主

彈詞註卷八上

不隄防石駙馬引動番兵

五

河東節度使石敬瑭初尚明宗女永寧公主為駙馬歸晉陽從珂醉之至是以千春節置酒公主上壽畢辭瑭疑懼欲嘗從珂之意表陳羸疾乞移他鎮從珂遂徙為天平節度使敬瑭謀於將佐曰吾之來河東也主上面許我終身不除代今忽有是命得非如今年千春節與公主所言乎掌書記桑維翰曰公明宗愛計契丹主素與明宗約非兄弟公誠能屈節事之全之呼夕至何患不成敬瑭遂拒命從珂遣張敬達等討之敬瑭遣使求救契丹契丹主德光將兵赴援與唐騎將符彥卿等合戰敬瑭遣都押衙劉智遠助之唐兵大敗契丹遂以敬瑭南下復破唐兵於圍柏敬瑭遂直趨洛陽所在將城北降天平軍名今兗州府東平縣圍柏唯潞州城皆降天香山又太原府祁縣境東有圍柏鎮維翰字國僑河南人

一炬火元武樓化成灰燼

時敬瑭將至從珂與曹太后劉皇后及雍王重美等攜傳國寶登元武樓自焚死

十三年傳四主急雨殘雲

唐自存易至從珂凡四
主共十三年而後唐亡

廿一史彈詞註卷之八上

彈詞註卷八上

去

